

A PƆƆL GĀN WŪN SĒB KŪ A NĀANMĪN PUORBO NA BE A WOROM

^I Maa Pɔɔl na ɪ a Yesu Kiriſito gbāgbaa, Nāanmīn na kaa ir boɔl ka n ɪ a wɔ nitōnāa naa ɪ a wɔ 'yer nōɔ 'yere, le seere koro a yin na be a Worom. ^{II} A 'yer nōɔ nyā won dōɔ tir nee a kōr jaa tu a wɔ 'ye'yere se ka ba seb 'yōɔ a Nāanmīn gān pɔ, ^{III} na ɪ a wɔ Bie 'yer, ban dɔɔ ka wɔ ɪ a Nāa David bal nire. ^{IV} A tu naa a Nāanmīn Siɛ pɔ wiil kpɛɔ ɪka a Nāanmīn Bie le, na wɔ ir yi a kūn pɔ ɪ vor, 'lo le ɪ a Yesu Kiriſito na ɪ a si Soro. ^V A tun a wɔ 'yōɔ ni a wɔ yuor jūu, si nyen wāefo ni a nitōnsi tōmō na sun boɔl nire jaa, ka ba wa wōnō a wɔ toor ni soɔfo. ^{VI} Yin mi pɔon a bala a Nāanmīn na boɔl ka yi ɪ a Yesu Kiriſito sofo.

^{VII} N seere na koro a yin bala jaa na be a Worom a Nāanmīn na nō, na wɔ boɔl yi a yi ɪ a wɔ nibe. Wāefo ni nyā'maar na yi a si Sāa Nāanmīn ni a si Soro Yesu Kiriſito jie a be a yi se.

^{VIII} N den nie puor a maa Nāanmīn yāan a yi jaa jūu tu a Yesu Kiriſito 'yōɔ, bojūu a yi soɔfo ŋmen yaar a wer wɔ jaa. ^{IX} A Nāanmīn nyā in tōnō koro ni a n nyāa wɔ jaa, naa mɔɔlo a 'yer nōɔ nyā na ɪ a wɔ Bie 'yer, di man dāaste le in ma tiere a yi yele. ^X N ma sooro naa Nāanmīn

ba gala ε, naa suorɔ ɪka a wɔ bofo a ɪ, ka wɔ yuo sor a pɔpɔanyã kɔ ma ka n wa a yɪ sɛ̃.

XI N suorɔ naa yɪ nyefɔ naa na tɔɔ wiil yɪ a Nãanɲmɪn Siε kɔfɔ amɪne ka a 'yɔɔ yɪ ãkpɛ̃ɔ.

XII Le le, a yɪn nɪ maa na pãa nɔɔ kpɛ̃me a sɪ soofɔ pɔ. **XIII** N yeer, n suorɔ naa ɪka yɪ bɔɔ a le ɪn mɔɔrɔ sɔɔ yɔɔ jaa, ɪka n wa a yɪ sɛ̃ tɪche ka a sor pɔɔ wa tãn dɪna. ɪn taa nyen a yɪ bamɪne a ba puoraa nɪtãa le ɪn nye a yɪ bamɪne na ba ɪ a Juu nɪbe ε, tɪ puoro.

XIV N din a Juu nɪbe nɪ a bala mɪ na ba ɪ a Juu nɪbe ε, nɪ a yɛ̃ dɛ̃me nɪ a jɔlɔ sãn. **XV** Ala le so ka n mɔɔrɔ ɪka n mɔɔl a 'yer nɔɔ kɔ a yɪn mɪ na be a Worom.

XVI Vã ba kɔrɔ ma nɪ a 'yer nɔɔ nyãna 'yerfɔ ε, bojũu a ɪ naa a Nãanɲmɪn kpɛ̃ɔ won de faara nɪ nɪre jaa na soɔ, a Juu nɪbe le de nie, ka bala mɪ na ba ɪ a Juu nɪbe ε, mɪ tu. **XVII** Bojũu a 'yer nɔɔ nyã na wiil nɪre le won na tor Nãanɲmɪn sɛ̃, torfɔ 'lɔ na yɪ soofɔ pɔ, yɪ a pielfɔ tɪ tãn a baaraa nɪtãa le an seb a Nãanɲmɪn gãn pɔ, “Nɪre 'lɔ na tara soofɔ, tor naa, won tara na nyevor na ba tara baarfɔ ε.” *(Habakuk 2:4)*

XVIII Nãanɲmɪn vɛ̃n ka a wɔ suur yele yɪ a saaju gã chãa pɔ, ɪka wɔ nyen suur 'yɔɔ a bala na ba puoro ε, nɪ putudɛ̃me bala na pɔɔ a yelmãε nɪ a ba putuyele. **XIX** An ɪ a ala ban na de bɔɔn a Nãanɲmɪn gãn chãa pɔ, bojũu Nãanɲmɪn mãε le ɪr wiil ba. **XX** Bojũu, an yɪ a le daar jaa a Nãanɲmɪn na mε a wer, nɪbe na tɔɔ bɔɔ ɪka a Nãanɲmɪn kpɛ̃ɔ ba tara baarfɔ ε, ka wɔ ɪ Nãanɲmɪn mãε nɪ a bonsɪ ala won maal, a le jũu, tu yifo jie ba le be be go ε.

XXI Bojũu, ban soo bõon a Nãanmın a nıtõnõ, ti baa kũ wõ tur ε, bu dãna wõ ε, tiche a ba tiersı un burbur, ka a ba jol nyãn ala pãa lii. **XXII** Ban soo 'yer ıka yẽ bõonbo le ba ı, ba un jolo, **XXIII** an ı ba lieb a tur 'lo ban taa kũ a Nãanmın nyã na ba kpire ε, na ba kũ a botıbe ala ban pẽn, ka a kaara a nıbe kaar na kpire, nı lubil, nı dõn, nı dõgbεε anaar jaa boro.

XXIV Ala le so ka Nãanmın ir nũu tiche ba bar be a ba volder pɔ, ka ba bõnõ gãna nı taa, sõonõ taa nı a ba ãgãma. **XXV** Ba den a Nãanmın yelmãe teen jire, na ba puoro ti tõnõ koro a bonsı ala a Nãanmın na maal, ti bar a Nãanmın na ı a ma maala 'lo a pɛfɔ na seen bıbir jaa. A ı a le.

XXVI A anyãna jũu, Nãanmın de ban bar be a vã volaa pɔ. Ka a ba pobo gba ma lieb gãna nı a ba pɔɔ taa ba. **XXVII** A le nı wõ ju le a door mı bar a pobo bɔfɔ, ka a volaa vẽ ka ba lieb boro a ba taa door. Door na lieb tõnõ a vã tømõ nyãna nı a ba taa door ba nyen a ba tõeer toor tɔɔfɔ.

XXVIII Baa nye a Nãanmın bõɔfɔ a wõ seen ba ε, ka a Nãanmın bar ba a be a ba tier sõnaa pɔ, ka ba maala a ala na ba seen maalfɔ ε. **XXIX** Ba seen naa putuo jaa boro, bier ıfɔ, bogar dẽme, nı bier maalfɔ. Nyuur seen ba naa, na ba ı nıkorbo, boro jεer, na ba bele taa, na ba tierε taa sõɔfɔ. Ba un gagarı, **XXX** sõonõ nı taa yoe, 'laar Nãanmın, kperε taa, mãe 'mɔɔfɔ nı yoboyele. Ba bõon soı ban ma tu maal bier, baa turo a nıbe bala na dɔɔ ba nεε ε. **XXXI** Baa tara tier ε, baa tara yelmãε ε, baa tara nõfɔ ε, baa kaara nıre nıbaal ε. **XXXII** Ban soo bõo a Nãanmın

toraa nyāna binfo, ɪka a nɪbe bala na maala a anyāna sɛɛn nɪ kũu, bala mǎɛ tɛɛ ba lɛ maala a anyāna ɛ, tɪche ba ma sɔɔ naa a bala na tɔnɔ̃ a anyāna.

II

^I Yɪn a lɛ jũu, yaa mɪ tara tu yifɔ jie ɛ, a yɪn bala na ma tɔɔɔ a bamɪne 'yer. Yele jaa pɔ fon tɔɔɔ a fɔ tɔ sɔɔ 'yer fɔ mɪ 'yɔɔn fɔ mǎɛ 'yer, bojũu fɔ mɪ ɪn a yele 'lɔnɔ̃ a fɔ tɔ sɔɔ na ɪ, a fɔ tɔɔɔ a wɔ 'yer. ^{II} Põpāanyā, sɪ bɔɔ naa ɪka Nāanmɪn na tɔɔɔ naa a bala na ɪre a yelsɪ anyāna 'yer tun yelmǎɛ sɔɔ pɔ. ^{III} A lɛ a fɔɔ nɪsaal mɪ na tɔɔɔ nɪbe 'yer, tɪ na fɔ mɪ maal a yele ala nɪ a ju, fɔ tɪɛɛ ɪka fon pɔl yi a Nāanmɪn 'yer tɔɔɔfɔ pɔ ɔ? ^{IV} Bu yɪ nyɛ naa Nāanmɪn yɛ bɔɔn yɔɔ jũu, nɪ a wɔ maalvɪla, nɪ a wɔ kǎnyir, na yaa bɔɔn ɪka a Nāanmɪn maalvɪla wile yɪn tɪɛɛ lɛb fɔ sɔɔ ɛ?

^V Tɪche a yɪ nyǎkpǎɛn nɪ yɪn ba lɛb a yɪ tɪɛɛ jũu, yɪ guoro naa a Nāanmɪn sutuo bine kɔɔɔ a yɪ mǎɛ guro nɪ a wɔ suur bɪbir 'lɔ won na tɔɔɔ nɪre jaa 'yer nɪ torfɔ. ^{VI} Nāanmɪn “na yab nɪre jaa lɛ won tũ jǎ.” (*Yiel Gǎn 62:12*) ^{VII} Bala na mar ara na ba tɔnɔ̃ vɪla bɔɔɔ tɪɛɛ, nɪ 'yɔɔfɔ, nɪ a ala na ba pɔɔnɔ̃ ɛ, won kɔ ban nyevɔɔ na ba tara baarfɔ ɛ. ^{VIII} Tɪche bala na bɔɔɔ a ba mǎɛ bɔb, na ba tɔɔɔ a yelmǎɛ tɪ turo dɛɛɛ, Nāanmɪn suur nɪ a wɔ kpǎafɔ gǎn kɔ ba. ^{IX} Wɔm nɪ tuo difɔ na ben be kɔ nɪsaal jaa na ɪre yelbier. An piel naa a Juu nɪbe sɛ, tɪ mɪ lɔɔ a bala na ba ɪ a Juu nɪbe ɛ. ^X Tɪche tɪɛɛ nɪ 'yɔɔfɔ nɪ nyǎ'maar na ben be kɔ nɪre jaa na maala vɪla, a Juu nɪbe nɪ a

bala na ba ɪ a Juu nɪbe ε. **XI** Bojũu Nãanmɪn ba tara kaa gar taa ε.

XII Bala jaa na ba bõo a Mosesɪ nεε tɪ tõ dεer, mɪn wε naa ban ba bõo a nεε jũu, ka bala jaa mɪn bõo a Mosesɪ nεε tɪ tõ a dεer Nãanmɪn na den a nεε nyã tɔor a ba 'yer. **XIII** Bojũu a ba ɪ a bala na wõnõ a nεε le tor a Nãanmɪn niem ε, tɪche a bala na turo a le a nεε na 'yer bala le a Nãanmɪn na 'yer ɪka ba tor naa. **XIV** Sɪre jaa a bala jaa na ba ɪ a Juu nɪbe ε, na baa tara a Mosesɪ nebinãa ε, ba gba ma ɪ naa a yelsɪ a nεε na 'yer, bojũu bala mãe ɪn a nεε ban soo ba tara a nεε ε. **XV** Ba wiil ɪka a le a nεε na booro seb 'yõo be a ba nyãa pɔ, ka a ba tɪer mɪ di dãasɪe ma gõnõ ba bu 'yere pɔoro ba. **XVI** A anyãna na ɪ naa a daar 'lõnõ a Nãanmɪn na tu a Yesu Kɪrɪsɪto 'yõo na wɔ tɔor nɪre jaa yelsɔolsɪ nɪtãa le ɪn 'yere a n 'yer nõo.

XVII Põpãanyã a fõo, ala ɪ fɔ boolo na a fɔ mãe Juu nɪre, na fɔ dɪel a Mosesɪ nεε na fɔ jɪre le fõo nɪ a Nãanmɪn na tara nebõ'yen, **XVIII** ala ɪ fɔ bõo naa a wɔ bofo na fɔ bõo a 'lo na gar a jaa bojũu a nεε le wiil fɔ, **XIX** ala ɪ fɔ chen nyãa ɪka jõtɔoro le fɔ ɪ, na fɔ ɪ chãa chaara a bala na be a libe pɔ, **XX** na fɔ wile a jolo, na fɔ wile a bibiir, bojũu a Mosesɪ nεε pɔ le fɔ nyε a bõofɔ nɪ a yelmãe. **XXI** Fõo nyã na wile a fɔ taaba, faa wiil a fɔ mãe ε? Fõo nyã na ma 'yere ɪka jufo ba ɪ ε, fɔ ma ju naa o? **XXII** Fõo na ma 'yere ɪka nɪbe ba ta sɛne ε, fɔ ma sɛn bu? Fõo nyã na kpere a tɪbe tɪ fɔ ma juro naa a tɪbe der bonsɪ bu? **XXIII** Fõo nyã na jɪre nɪ a Mosesɪ nεε nyã, fɔ ma 'yõon Nãanmɪn vã fon sõonõ a nεε o? **XXIV** Nɪtãa le an seb a Nãanmɪn

gãñ pɔ, “A yi jũu le a bala na ba ɪ a Juu nɪbe ɛ, sɔɔnɔ̃ a n yuor.” *(Isaiya 52:5)*

XXV Yɔɔr ŋmaafɔ tara na tɔnɔ̃ ala ɪ fɔ turo naa le a nɛɛ na 'yer, tɪche ala ɪ fɔ̃ɔ baa turo a nɛɛ ɛ, fon kaara fɪka faa ŋmaa yɔɔr ɛ. XXVI Ala ɪ a bala na ba ŋmaa a yɔɔr ɛ, turo na le a nɛɛ na bin, ba kũ kaara fɪka yɔŋmarba le ba ɪ ɛ? XXVII Nɪre 'lo na ba ŋmaa a yɔɔr a ãgãñ pɔ ɛ, tɪche na wɔ turo a nɛɛ jaa ne ne ne na 'yɔ̃ɔ yɪn 'yer, a yɪn bala gba na tara a nebinsɪ gãñ na fɔ ŋmaa a yɔɔr tɪ faa turo a nebinsɪ ɛ.

XXVIII Nɪre na ɪ a Juu nɪre ba ɪ a ãgãñ nyã yeletɛ le ɛ, bu a yɔɔr ŋmaafɔ na ɪ a ãgãñ yeletɛ. XXIX Kai, wɔ ɪn a Juu nɪre na be a pɔɔm, ka a wɔ yɔɔr ŋmaafɔ ɪ a Nãaŋmɪn Sɪɛ na ŋmaa a wɔ nyãa yɔɔr a ba yi a nebinsɪ gãñ pɔ ɛ. A nɪre nyãna pɛefɔ ba yire nɪbe sɛ̃ ɛ, tɪche a yɪn Nãaŋmɪn sɛ̃.

III

I Bo tɔnɔ̃ le a Juu nɪre tara, bu bo tɔnɔ̃ le be be a yɔɔr ŋmaafɔ pɔ? II Sɔr jaa pɔ, ala na de nie le ɪka bala le Nãaŋmɪn de nie kɔ a wɔ 'yerbie.

III Bo le na ɪ ala ɪ bamɪne ba tara sɔɔfɔ ɛ? A ba ba sɔɔfɔ na tɔɔn sɔɔ a Nãaŋmɪn yelmãɛ bar bu?

IV Kai, sɔr ba be be ɛ! Vɛ̃ a Nãaŋmɪn ɪ yelmãɛ sɔɔ, tɪche ka a nɪre jaa ɪ jir ŋmara. Nɪtãa le an seb a Nãaŋmɪn gãñ pɔ, “Le le na wiil ɪka fɔ tor naa a fɔ 'yerbie pɔ, na fɔ tɔ̃ɔ a 'yer tɔɔrfɔ jie.” *(Yiel Gãñ 51:4)*

V Tɪche ala ɪ a sɪ ba torfɔ vɛ̃n ka Nãaŋmɪn torfɔ gã chãa pɔ, sɪ le 'yer bo? Sɪ 'yer ɪka Nãaŋmɪn ba tor ɛ, won vɛ̃ ka a wɔ sutuo dire sɪ ɔ? Nɪsaal

nechure le a nyāna. ^{VI} Sire jaa ba le ε. Ala ι le le, ηmune le a Nāanmūn na ι tōor a wer nibe 'yer? ^{VII} Nire āsōo na chure na, “Ka ala ι a n ba torfo wiil naa ιka a Nāanmūn in yelmāe sōo ka a wō tūr pōo 'yōo, bāa 'yōo le a Nāanmūn na le 'yōo ma 'yer ιka yelbe-ure le n ι?” ^{VIII} Bo le so ka si kō 'yer nūtāa le a yosōonbo na 'yer ka a bamine mī 'yere ιka si 'yer ιka, “Yι ι a si maala dēer tī ka a liere vīla?” A ba sōofō seen ba naa.

^{IX} Bāa le sūn pāa de baar? Sūn le sa ba bī? Kai, sōr ba be be ε. Si den nie 'yer ιka a Juu nibe nī a bala na ba ι a Juu nibe ε, ba jaa nyentaa na ba be a yelbier pō. ^X Nūtāa le ban seb a ba ye le 'yōo a Nāanmūn gān pō, “Nūtōraa jaa ba be be ε, nībō'yen gba ba be be ε. ^{XI} Nībō'yen jaa ba be be bōonō 'yer par ε, nībō'yen jaa ba yōoro bōoro Nāanmūn ε. ^{XII} Ba jaa lieb puor, ka ba jaa lieb ι nūsōonsi. Isoo jaa ba maala vīla ε, nībō'yen gba ba be be ε.”

(Yiel Gān 14:1-3) ^{XIII} “A ba kōkōbōor yuon fika yar, ka a ba jālbīe bōo belfō.” *(Yiel Gān 5:9)* “Dōpān lōo jēlaa a ba negāma.” *(Yiel Gān 140:3)* ^{XIV}

“Pō'yōofō nī 'yer bitor le ma yire a ba neer pō.” *(Yiel Gān 10:7)* ^{XV} “A ba gbēe ma pōoro naa jāi kpaarfō 'yōo. ^{XVI} Sōr jaa ban de, sōofō nī dōoye le ma ι a jāne. ^{XVII} Baa bōo nyā'maar sōr ε.” *(Isaiya 59:7, 8)* ^{XVIII} “A ba nībie ba joro Nāanmūn dābāe ε.” *(Yiel Gān 36:1)*

^{XIX} Pōpāanyā, si bōon naa ιka le jaa a Mosesi nee na 'yer, wō 'yer kō a bala na be a nee pō ιka, a kpal nire jaa nee, ka a wer nibe ba jaa wa man a ba nee 'yer kō a Nāanmūn. ^{XX} A le jūu, nire jaa kō ι nitor a Nāanmūn niem wōn turo a nee

jūu ε, an ι a tun a nεε nyā pɔ, ka sι bōɔ bier. **XXI** Tiche pōpānyā, a chaar naa ιka a torfo na yi a Nāanmɪn sē, ba yi a Mosesι nεε pɔ ε, ala le a nεε nι a Nāanmɪn 'ye'yεrbe di dāasιε. **XXII** A torfo nyā na yi a Nāanmɪn sē, un a sɔɔfo na tu a Yesu Kırısıto 'yōɔ, kɔ a bala jaa na sɔɔ de. Tεε taa jaa ba be be ε. **XXIII** Bojūu nıre jaa maal dεer na baa ta a Nāanmɪn tır ε. **XXIV** A Nāanmɪn wāεfo jūu, wɔ vĕn ka sι tor na wɔ 'yerfaa sι pɔɔɔ tu a faafɔ 'lo na yi a Yesu Kırısıto sē. **XXV** Nāanmɪn de won a wɔ ι a bɔɔrlo bon, a won de a wɔ jāi pεen nıre jaa tu a sɔɔfo jūu. Nāanmɪn maal a anyā na wɔ wiil a wɔ torfo, bojūu a wɔ kānyir vĕ naa ka wɔ bar a ba yeldεbe ala ban dōɔ maal gefɔ. **XXVI** Wɔ maal naa le na wiil a wɔ torfo a pōpānyā, na wɔ ma vĕ ka nıre jaa na sɔɔ de a Yesu yele, tor.

XXVII Nyıne le a yoboyele le be? A ba pɔɔ be ε. Yelbuor jūu? A Mosesι nεε ban turo jūu bι? Kai, sɔɔfo jūu le. **XXVIII** Ala le so ka sɪn chene sɔɔ ιka nıre yele ma tor naa won tara sɔɔfo a ba ι won turo a nebināa jūu ε. **XXIX** Nāanmɪn un a Juu nıbe tεε Nāanmɪn bι? Waa ι a bala na ba ι a Juu nıbe mι Nāanmɪn ε? Ɔɔ, wɔ un a bala na ba ι a Juu nıbe mι tɔɔr. **XXX** An ι a Nāanmɪn bō'yen tεε le be be, 'lo le na vĕ ka a yɔɔmarba yele tor sɔɔfo jūu, na wɔ mι vĕ ka a bala na ba ηmaa a yɔɔr ε, yele mι tor a sɔɔfo jūu. **XXXI** Sι pāa den a sɔɔfo nyā sōɔn a nebināa bar bι? Kai, sɔr ba be be ε. Sɪn le pāa bōɔ turo wɔ.

IV

¹ Nımıne le sɪn pāa 'yer a sι sāakpā Abraham

'yer, a yelee nyāna pɔ? **II** Ala ɪ sɪre jaa Abraham yelee dɔɔ tor a wɔ tɔmɔ̃ jūu, won taa tara na yelee kɔɔ bɔɔrɔ nɪ yuor, tɪche a kɔ̃ naa ɪ a Nāanmɪn niem le ε. **III** Bo le a Nāanmɪn gān 'yer? Wɔ 'yer ɪka, “Abraham sɔɔn de Nāanmɪn ka a le vɛ ka wɔ ɪ nɪtor.” *(A Pielfo Gān 15:6)*

IV Pɔpāanyā nɪre wa tɔtɔmɔ̃, a wɔ sāyar ba ɪ kɔfɔ ε, tɪche a wɔ tɔmɔ̃ sāyar le. **V** Ala le so nɪre 'lo an ba ɪ tɔmɔ̃ le ε, tɪche won sɔɔ a Nāanmɪn 'lo na ma vɛ ka a putudēme yelee tor, a wɔ sɔɔfɔ le ma vɛ ka wɔ ɪ a nɪtor. **VI** A Nāa David mɪ dɔɔ 'yer a 'yer bir nyāna nɪ wɔ ju, na wɔ 'yer ɪka, bɔɔsɔn sɔɔ le a 'lo a Nāanmɪn na vɛ a wɔ ɪ nɪtor ka tɔmɔ̃ ba pɔɔ ε. **VII** “Bɔɔsɔn dēme le a Nāanmɪn na vɛ a ba bɔrfɔsɪ kɔ ba, ka a ba yelbebe ala pɔɔ. **VIII** Bɔɔsɔn le a 'lo a sɪ Soro na ba le sɔɔ a wɔ yelbier dɔɔlo wɔ ε.” *(Yiel Gān 32:1, 2)*

IX A bɔɔsɔn nyāna ɪn a yɔɔmarba tɛε bon bu, a mɪ ɪn a bala na ba ηmaa a yɔɔr ε, bon? Sɪ 'yer ɪka Abraham sɔɔfɔ vɛn ka wɔ ɪ nɪtor. **X** Nɪmɪnε le anyāna dɔɔ ɪ kɔ wɔ? Won ηmaa a yɔɔr baar le bu won ba ηmaa sere le? A ba ɪ won ηmaa baar ε, tɪche won dɔɔ ba ηmaa sere le. **XI** Nāanmɪn wa bɪer man wɔ a yɔɔr ηmaafɔ yelee, ka a ɪ jāne ɪka a wɔ yelee tor naa a wɔ sɔɔfɔ jūu won dɔɔ ba ηmaa a yɔɔr sere ε. Le le wɔ pāa ɪ a bala jaa na sɔɔ de sāa, tɪche na baa ηmaa a ba yɔɪ ε, ka a Nāanmɪn vɛ a ba ɪ nɪtorsɪ. **XII** Wɔ mɪ ɪ naa bala jaa na ηma a yɔɪ sāa. A ba ɪ yɔɔr ηmaafɔ tɛε 'yɔɔ le ε, tɪche ban tara a sɔɔfɔ na ba turo nɪ a le a sɪ sāa Abraham na dɔɔ turo tɪ wa ηmaa a yɔɔr.

XIII A ba ɪ a nebināa jūu le a Nāanmɪn dɔɔ tɪr a

nɛɛ kɔ a Abraham nɪ a wɔ yɔn ɪka bala lɛ na so a wer ɛ, tɪchɛ wɔn ɪ nɪtor a wɔ soɔfɔ jũu lɛ. ^{XIV} Ala ɪ a bala na turo a nebinãa lɛ so a wer ɛ, soɔfɔ ba lɛ tara tɔnɔ̃ ɛ, ka Nãaŋmɪn nɛɛ wɔn tɪr mɪ ɪ pɔɔɔ. ^{XV} Bojũu a nebinãa waara nɪ naa Nãaŋmɪn suur. A jie 'lɔ mɪ a nebinãa na ba be ɛ, a nɛɛ bɔrfɔsɪ mɪ ba be be ɛ.

^{XVI} A lɛ jũu, a nɛtɪraa wa naa a soɔfɔ jũu, ka a Nãaŋmɪn wãɛfɔ na sɔ̃ɔ a Abraham yɔn ba jaa, a ba ɪ a bala na turo a nɛɛ tɛɛ ɛ, tɪchɛ a bala na tara a Abraham soɔfɔ, 'lɔ lɛ ɪ a sɪ jaa sãa. ^{XVII} Nɪtãa an seɓ a Nãaŋmɪn gãn pɔ, “N maal fɔ naa a fɔ ɪ a paal yɔɔ sãa.” *(A Pielfɔ Gãn 17:5)*

'Lɔ lɛ ɪ a sɪ sãa a Nãaŋmɪn sɛ̃, a 'lɔ wɔn soɔ de, a Nãaŋmɪn nyã na ma vɛ̃ ka kũn ɪ vɔɛ, na wɔ ma bɔɔl bonɪ ala na ba dɔ̃ɔ be be ɛ, ka a be be.

^{XVIII} Tɪertɔfɔ jie ba lɛ be be ɛ, tɪ Abraham tara tɪertɔ jie, na wɔ soɔ de ka a lɛ vɛ̃ ka wɔ ɪ a paal yɔɔ sãa, nɪtãa lɛ a Nãaŋmɪn na dɔ̃ɔ 'yer kɔ wɔ, “Lɛ lɛ a fɔ yɔn na wa be.” *(A Pielfɔ Gãn 15:5)*

^{XIX} Waa bal a wɔ soɔfɔ pɔ ɛ, wɔ mãɛ nyen bɔ̃ɔn a wɔ ãgãn na kor jɔɔl, bojũu yuom kɔbaa lɛ wɔ nyɛ ka a Saara mɪ ab. ^{XX} Tɪchɛ Abraham ba tara baal a wɔ soɔfɔ pɔ, nɪ lɛ a Nãaŋmɪn na tɪr a wɔ nɛɛ ɛ, tɪchɛ wɔ nyen kpɛ̃ɔ a wɔ soɔfɔ pɔ, na wɔ de tɪr kɔ a Nãaŋmɪn. ^{XXI} Wɔ soɔn de nuur ayi ɪka Nãaŋmɪn tara na kpɛ̃ɔ na maal a lɛ wɔn tɪr a wɔ nɛɛ. ^{XXII} A anyãna lɛ so ka a Nãaŋmɪn, vɛ̃ a wɔ ɪ nɪtor. ^{XXIII} A 'yerbir na 'yer ɪka, Nãaŋmɪn vɛ̃n a wɔ ɪ nɪtor, a ba seɓ a 'lɔ tɛɛ 'yɔ̃ɔ ɛ, ^{XXIV} tɪchɛ a mɪ ɪn a sɪ bon, Nãaŋmɪn mɪ na vɛ̃n a sɪ yele ka a tor, sɪn bala jaa na soɔ ɪka, 'lɔ lɛ sã̃ a Yesu na ɪ a sɪ Soro a kũu pɔ. ^{XXV} A sɪ yelbebe jũu lɛ ba dɔ̃ɔ

kon wɔ, tiche ka a Nāaŋmɪn sã wɔ a kũu pɔ a wɔ ɪ vɔr, na wɔ vɛ ka sɪ tor.

V

^I Wɔn ben vɛ a sɪ tor a sɪ soofɔ jũu, sɪ tara na nyã'maar Nāaŋmɪn sɛ tu a sɪ Soro Yesu Kırısıto 'yɔɔ. ^{II} A wɔ 'yɔɔ le sɪ tu nye sɔr a sɪ soofɔ jũu kpe a Nāaŋmɪn wãefɔ nyã pɔ sɪn ben ara a pɔpãanyã, na sɪ chule a Nāaŋmɪn tur tıertɔ nyã jũu. ^{III} A ba ɪ le tɛɛ ε, tiche sɪ mɪ chule na a sɪ dɔɔye pɔ, bojũu sɪ bɔɔn naa ɪka a dɔɔye le na waan kãnyir, ^{IV} ka a kãnyir wiil a le fɔn be, ka a le fɔn be mɪ waan tıertɔfɔ jie. ^V Ka a tıertɔfɔ jie kɔ 'yɔɔ sɪ vã ε, bojũu Nāaŋmɪn kpaar naa a wɔ nɔfɔ 'yɔɔ a sɪ nyãn pɔ, tu a wɔ Sıe 'lo wɔn de kɔ sɪ.

^{VI} Yaa nye, a sɔɔ 'lo na sɛɛ le, sɪn sɔɔ chene ba tara kpɛɔ ε, tɪ Kırısıto kpın kɔ a bala na ba puoro ε. ^{VII} An kpɛme naa ɪka nıre na sɔɔn kpi kɔ nıre ye le na tor, amıne nıre ãsɔɔ na tɔɔn sɔɔ kpi kɔ nıre na ɪ nısɔ. ^{VIII} Tiche Nāaŋmɪn wiil a wɔ mãe nɔfɔ a nıtɔ kɔ sɪ, a sɔɔ 'lo sɪn chene ɪ yelbe-ırbɛ, Kırısıto kpın kɔ sɪ.

^{IX} An ben ɪka pɔpãanyã wɔ ben vɛ a sɪ tor a wɔ jãı jũu, ŋmıne le an pãa kaara wɔn faa sɪ yın a Nāaŋmɪn suur pɔ. ^X Bojũu ala ɪ a le sɪn dɔɔ ɪ a Nāaŋmɪn dɔdɛme, ka a wɔ Bie kũu wa 'maal wɔ kɔ sɪ, a le wɔn ben 'maal sɪ, wɔn faa sɪ naa tu a wɔ nyevɔr pɔ. ^{XI} A ba ɪ anyã tɛɛ le ε, tiche sɪ chule naa a Nāaŋmɪn 'yɔɔ tu a sɪ Soro Yesu Kırısıto 'yɔɔ, tu a 'lo 'yɔɔ sɪn ben nye a 'maalfɔ a pɔpãanyã.

XII Nıtõ jũu le a yelbier kpe a wer pɔ tu nıbõ'yen 'yõɔ, ka a kũu mı tu a yelbier 'yõɔ mı wa, sɔr nyã le a kũu mı tu pɔɔ nıre jaa, bojũu ba jaa maal yelbier. **XIII** Serɛ tıche ka a Mosesı wa bin a neɛ, yelbier den nie be ka a wer pɔ, tıche le a nebinãa na ba dõɔ be be ɛ, ba maa de yelbier maal bon ɛ. **XIV** Tıche kũu din nãa yi a Adama sõɔ tı tãn a Mosesı sõɔ, na wɔ gba mı tõɔ a bala na ba maal a yelbier sõɔ a neɛ a Adama kaar ɛ, Adama le dõɔ ı a 'lo na wa wa gãagiel.

XV Tıche a kɔfɔ ba kaara a bɔrfɔ kaar ɛ, bojũu ala ı nıyɔɔ kpi naa nıbõ'yen bɔrfɔ jũu, Nãaŋmın wãefɔ nı a wɔ kɔfɔ ala na wa tu a nıbõ'yen Yesu Kırısıto wãefɔ jũu, na yaar kɔ nıyɔɔ gar a le. **XVI** A Nãaŋmın kɔfɔ gba ba nyetãan a nıbõ'yen yelbier 'lo ɛ. 'Yer tɔɔrfɔ tun a yelbe bõ'yen 'lo na wɔ waan sõɔfɔ, tıche a kɔfɔ mı tun a bɔrfɔsı yɔɔ pɔ, naa waan torfɔ. **XVII** Bojũu ala ı a nıbõ'yen bɔrfɔ jũu kũu din nãa tu a nıbõ'yen 'lo 'yõɔ, ŋmıne le a bala na nye a Nãaŋmın wãefɔ nı a kɔfɔ 'lo na ı a torfɔ, na din nãa a ba nyevɔr pɔ tu a nıbõ'yen Yesu Kırısıto 'yõɔ.

XVIII An ı nıbõ'yen bɔrfɔ jũu le waan sõɔfɔ wa 'yõɔ a nıbe ba jaa, le le so nıbõ'yen mı na maal ka a tor, mı le vë ka a nıbe ba jaa tor na ba nye nyevɔr. **XIX** Nıtãa le a bawõno bõ'yen na vë ka a nıyɔɔ ı yelbe-ırbɛ, le mı le a tu nıbõ'yen na tu Nãaŋmın neɛ mı vë, ka a nıyɔɔ mı ı nıtorsı.

XX A neɛ pɔɔn 'yõɔ, ka a bɔrfɔsı mı waa. Tıche jie 'lo a yelbier na pɔɔ 'yõɔ, Nãaŋmın wãefɔ ma pɔɔn 'yõɔ gar a le. **XXI** Nıtãa le a yelbier na di nãa a kũu pɔ, le mı le a Nãaŋmın wãefɔ na di a nãa

tu a yeltorsɪ pɔ, na wɔ waan nyevɔr na ba tara baarfɔ ε, tu a Yesu Kırısıto na ɪ a sɪ Soro 'yɔɔ.

VI

^I Sɪ pãa 'yer ɪka bo? Sɪ chene ɪre a yelbier tiche ka a Nãanmɪn wãefɔ pɔɔɔ 'yɔɔnɔ? ^{II} Kai, sɔr ba be be ε! Sɪ kpın kɔ yelbier, ηmɪne le a ɪ a sɪn le chene be a pɔ? ^{III} Bu yaa bɔɔ ɪka a sɪn bala jaa na so a Nãanmɪn kɔɔ, wɔ pɔl sɪ 'yɔɔ a Yesu Kırısıto pɔ, a sɪ lɔɔ kpın wɔ nɪ a wɔ kũu pɔ ε? ^{IV} A le jũu, ba ũu sɪ naa a kɔɔ pɔ, a kũu kaar, ka a le a Kırısıto na dɔɔ ir a kũu pɔ, tu a Sãa tur pɔ, ka sɪ mɪ na be be tara nyevɔr paalaa.

^V Ala ɪ sɪn nɪ 'lo 'mantaa a wɔ kũu pɔ, sɪn nɪ 'lo na 'mantaa ir a kũu pɔ. ^{VI} Sɪ bɔɔn naa ɪka a sɪ ãgãn koraa pɔɔ naa a Kırısıto 'yɔɔ, a ba kpan wɔ a be a daa ju, ka a yelbier ãgãn ba le tara kpɛɔ a sɪ 'yɔɔ, saa le ɪ a yelbier gbãgbaar ε. ^{VII} Bojũu nɪre 'lo jaa na kpi, wɔ yin yelbier pɔ.

^{VIII} Ala ɪ sɪn nɪ Kırısıto le 'mataa kpi, sɪ sɔɔ naa ɪka sɪn nɪ 'lo le na 'mataa be be tara a nyevɔr. ^{IX} Bojũu sɪ bɔɔn naa ɪka a Kırısıto na ir a kũu pɔ, wɔ kɔ le kpi go ε, kũu ba le tɔɔ wɔ ε. ^X A kũu wɔn kpi, wɔ kpın kɔ yelbier gbebɔ'yen kɔ nɪre jaa, tiche a wɔ nyevɔr pɔ wɔn be, wɔ ben be kɔ Nãanmɪn. ^{XI} A le ne nɪ wɔ ju mɪ le ɪka, yɪ kaa a yɪ mãe ɪka, yɪ kpın kɔ yelbier, tɪ be be kɔ Nãanmɪn, Yesu Kırısıto jũu.

^{XII} A le jũu, yɪ ta sɔɔ ka yelbier le di nãa a yɪ ãgãn nyãn na kpi ka yɪ turo a wɔ deer bɔfɔ ε. ^{XIII} Yɪ taa ɪre wa diere a yɪ ãgãn jie ãsɔɔ jaa kɔɔ yelbier maalfɔ ε, ka a ɪ putuyele tɔtɔbomo ε.

Tiche yi soɔ de a yi mǎe kɔ a Nāaŋmɪn, nɪtǎa nɪbe na yi kũu pɔ tara nyevɔr, na yi soɔ de a yi āgān jiiir kɔ wɔ, ka a ɪ yeltorsɪ tɔtɔbomo. ^{XIV} Bojũu, yelbier ba ɛ ɪ a yi nɪkpɛɛ ɛ, bojũu yaa chene be a Mosesɪ nebināa p̄ilem ɛ, tiche yi ben a Nāaŋmɪn wǎefɔ p̄ilem.

^{XV} Ka bo go? Sɪ chene ɪre a yelbier bojũu sɪn ba ɛ chene be a neɛ p̄ilem ɔ, tɪ be a wǎefɔ p̄ilem bu? Kai, sɔr ba be be ɛ! ^{XVI} Yaa bɔɔ ɪka ala ɪ fɔ wa den fɔ mǎe kɔ nɪre na fɔ turo a wɔ neɛ gbāgbaa kaar, fɔ ɪn gbāgbaa kɔ a nɪre 'lo neɛ fɔn turo, ka yelbier gbāgbaa ɛ fɔ ɪ a 'lo na chiine a kũu pɔ, bu a Nāaŋmɪn neɛ tufɔ 'lo mɪ na chiine nɪ fɔ a yeltorsɪ jie. ^{XVII} Tiche n puor Nāaŋmɪn yāan, yɪn dɔɔ gba ɪ a yelbier gbāgbaar, tɪ yi wa soɔn naa a yi nyāa wɔ jaa na yi de a yi mǎe 'yɔɔ a wiilfɔ nyā pɔ. ^{XVIII} Nāaŋmɪn faa yɪn yin a yelbier pɔ a yi so yi mǎe, na yi lieb yeltorsɪ gbāgbaar.

^{XIX} Nɪsaal 'yer ɛ n de man a yi āgāma yɪn ba tɔɔnɔ nyɔɔrɔ jũu. Nɪtǎa ɛ yɪn dɔɔ ma de a yi āgān jiiir ka a ɪ gbāgbaar kɔ a ala na ba vɪel ɛ, naa ma pɔɔrɔ putuyele 'yɔɔnɔ, p̄ɔp̄ānyā 'lo, yi de a yi mǎe ka a ɪ yeltorsɪ nɪ cheche ɪfɔ gbāgbaar. ^{XX} Yɪn dɔɔ ɪ a yelbier gbāgbaar, a yeltorsɪ ba so yi ɛ. ^{XXI} Tɔnɔ buor ɛ yi nye yin a sɔɔ 'lo a yelsɪ ala na ben ɪ vǎ a p̄ɔp̄ānyā? A bomo ala baarfɔ daar ɪn kũu. ^{XXII} Tiche p̄ɔp̄ānyā, Nāaŋmɪn na ben faa yi yin a yelbier pɔ a yi ɪ a wɔ gbāgbaar, a tɔnɔ yɪn nye ɪn cheche ɪfɔ ka a baaraa ɪ nyevɔr na ba tara baarfɔ ɛ. ^{XXIII} Bojũu yelbier sāyar ɪn kũu, tiche ka a Nāaŋmɪn kɔfɔ ɪ nyevɔr na ba tara baarfɔ ɛ, tu a Yesu Kɪrɪsto na ɪ a sɪ Soro 'yɔɔ.

VII

^I Yaa be bõo ε, yeer, n 'yerε na kuro a bala na bõo a nebinãa ɩka a nebinãa ma tõon nure na chene ni nubir ε? ^{II} De man pɔɔ na kul sire, a nee lū won mar a sire ka wo chire dayuo na gãn wo, a sire na chene ba kpi ε, tiche a sire wa kpi, a kul taa nee 'lo ba le lū wo go ε. ^{III} 'Lo wa ti ir dayuo a sire na chene vɔro, ban 'yer naa ɩka wo sõo naa. Tiche ala ɩ a sire kpi naa, a nee ba le lū wo go ε, ala ɩ wo gba na kul dayuo, waa sõo ε.

^{IV} Le le, n yeer yi mi kpin ko a nebinãa tu a Kırısto agãn pɔ, ka yın be be ko niyuo, a 'lo na ir a kũu pɔ ka sın tõo wõ wõmõ ko Nãanmın. ^V Bojũu a sõo 'lo a yelbier agãn na so sɩ, ka a yelbier vɔlaa ma de a nebinãa tõnõ ni tõmõ a sɩ agãn pɔ a sɩ wõnõ kũu wõmõ. ^{VI} Tiche põpãanyã, sɩ kpin ko a 'lo na dõo lū sɩ, sɩ son sɩ mæ yi a nebinãa 'lo pɔ, na sɩ pãa tõnõ a sɔpaalaa nyã pɔ na ɩ a Nãanmın Sɩε na ba ɩ a sɔkora a ban seb 'yõo a gãn pɔ ε.

^{VII} Bo le sın le 'yer go? A nebinãa ın yeldɛer bu? Kai, sɔr ba be be ε! Waa ɩ yeldɛer ε. Sire jaa n kõ naa bõo yelbier ε, ala ɩ a nebinãa ba be be ε. Bojũu n kõ naa bõo jɛlfɔ ε, ala ɩ a nebinãa ba ta 'yer ɩka, "Taa jɛle nure bon ε." (*A Yifo Gãn 20:17*) ^{VIII} Tiche a yelbier far kpe na wo nye sɔr a nebinãa sã vë ka n wõ jɛlfɔ jaa bɔro vɔlaa. A nebinãa baa be be ε, yelbier ın bõkũu. ^{IX} In dõo be be ba bõo a nebinãa ε, tiche a nebinãa na wa wa, yelbier faan a nyevɔr, ka a kũu ko ma. ^X Be le n nye ɩka a nebinãa 'lo naa waan nyevɔr, kũu le wo bar ti waan.

XI Bojũu a yelbier nyen sor a nebinãa na kɔ wɔ, a wɔ far kpe na wɔ bel ma, ka a tu a nebinãa nyã pɔ, ka a kũu kɔ ma. **XII** A le jũu, a nebinãa un cheche, ka a nebinãa 'yer mi ɪ cheche, naa tor ɪ vɪla. **XIII** Bon 'lɔ na ɪ bõvɪla pãa lieb kũu wa kɔ ma? A ba ɪ le le ε. Tiche n bõɔn naa ɪka a un yelbier, na a lieb kũu kɔ ma tu a bon 'lɔ na ɪ vɪla pɔ. A tu naa 'yer binãa pɔ, ka bier na ɪ yelbier sire jaa.

XIV Sun bõɔn naa ɪka a nebinãa un Nãanɲmɪn Sɪe bon le, tiche ka a maa ɪ ãgãn yelbier na da ka n ɪ a wɔ gbãgbaa. **XV** N maa bõɔ a le un maala ε, bojũu a ala un bɔɔɔɔ ɪka n maal n maa maal ε, tiche a ala un 'laar le n ma maala. **XVI** Ala ɪ n ma maala naa ala un ba bɔɔɔɔ ɪka n maala ε, n sɔɔ naa ɪka a nebinãa un vɪla. **XVII** An ben be a le, a ba ɪ maa mãe le bõɔn ti ure ε, tiche a yelbier 'lõnõ na be a n pɔ le ure. **XVIII** N bõɔn naa ɪka yelvɪla jaa ba be a n 'yõɔ ε, a maa yelbier ãgãn tɛε le. Bojũu n ma bɔɔɔɔ naa ɪka n maal vɪla ti naa maa tõɔ maal ε. **XIX** Bojũu a ala un maala ba ɪ a vɪla ala un bɔɔɔɔ a maalfɔ ε. Kai, a bier ala un ba bɔɔɔɔ a maalfɔ le, ala le n ma maala. **XX** Põpãanyã, ala ɪ n maala naa a ala un ba bɔɔɔɔ ɪka n maal ε, a ba le ɪ maa le le maala go ε, tiche a yelbier 'lõnõ na be a n 'yõɔ le maala.

XXI Le le, n nyen a le a nebinãa na tõnõ, maa wa bɔɔɔɔ ɪka n maal vɪla, a yelbier le ma tɔɔ gbor ma jaa yẽ yẽ. **XXII** N bɔɔɔɔ naa Nãanɲmɪn nebinãa ni a n pɔɔ wɔ jaa, **XXIII** tiche n nye naa a nebinãa ãsɔɔ na tõnõ ni a n ãgãn jiir amɪne. Wɔ jɛɛɛ ni naa a n tier na wɔ maal ma ka n ɪ a yelbier ni pɔɔraa a n ãgãn jiir pɔ. **XXIV** Ni jarma le n pãa

ɪ! An le na faa ma yin a yelbier āgān nyā na chiine ma a kūu jie? ^{XXV} Nāanmɪn son puorfo tu a Yesu Kɪrisito na ɪ a sɪ Soro 'yōɔ! A maa māe a n tɪer pɔ, n ɪn a Nāanmɪn nɛɛ gbāgbaa, tɪche a n yelbier āgān mɪ ɪ gbāgbaa kɔ a yelbier nɛɛ.

VIII

^I A le jūu pōpānyā, yele ba pɔɔɔ a bala na be a Yesu Kɪrisito 'yōɔ ɛ. ^{II} A tun a Yesu Kɪrisito 'yōɔ jūu, a nɛɛ 'lo na ɪ a Nāanmɪn Sɪɛ nyevɔr faa man yin a nɛɛ 'lo na ɪ yelbier nɪ kūu pɔ. ^{III} Bojūu a bon 'lo a Mosesɪ nɛɛ na ba dōɔ tara kpɛɔ na maal ɛ, a sɪ yelbier āgān na bal bar, Nāanmɪn maal naa na wɔ tō a wɔ māe Bie a wɔ nyetāan a sɪn na maala a yelbier kaar a wɔ wa ɪ a yelbier bɔɔrlo bon. Le le wɔ sōɔ yelbier a nɪsaal pɔ bar, ^{IV} ka a le a Mosesɪ nebināa na bɔɔɔ ka a sɛɛ a sɪ 'yōɔ, a sɪ kō le turo a le a yelbier āgān na bɔɔɔ ɛ, tɪ turo a le a Nāanmɪn Sɪɛ na bɔɔɔ.

^V A bala na turo a ba yelbier āgān, ba den a ba tɪer 'yōɔ a ala na ɪ a āgān volaa pɔ, tɪche a bala mɪ na turo a le a Nāanmɪn Sɪɛ na bɔɔɔ, mɪ den a ba tɪer 'yōɔ a ala a Nāanmɪn Sɪɛ na bɔɔɔ. ^{VI} Yelbier sɔɔ tɪer ɪn kūu, tɪche a tɪer 'lo a Nāanmɪn Sɪɛ na so ɪn nyevɔr nɪ nyā'maar. ^{VII} A yelbe-ɪɛ tɪer ma 'laar Nāanmɪn, wɔ maa siir wɔ māe kɔ a Nāanmɪn nɛɛ ɛ, wɔ mɪ kō tōɔ ɪ ɛ. ^{VIII} Bala na turo a le a ba āgān na bɔɔɔ, kō tōɔ pɛl Nāanmɪn pɔɔ ɛ.

^{IX} Yɪn 'lo ba le turo a le a yelbier āgān na bɔɔɔ ɛ, tɪche yɪ turo naa a le a Nāanmɪn Sɪɛ na bɔɔɔ, ala ɪ a Nāanmɪn Sɪɛ ben a yɪ 'yōɔ. Ala ɪ āsɔɔ jaa ba wa tara a Kɪrisito Sɪɛ ɛ, waa ɪ a Kɪrisito

tʊɔɾ ε. **X** Tɪche ala ɪ Kɪrɪsɪto ben a yɪ 'yɔ̃ɔ, a yɪ āgān kpi naa a yelbier jūu, tɪche ka a yɪ sɪr tara nyevɔɾ a yeltorsɪ jūu. **XI** Ala ɪ a Nāaŋmɪn Sɪε 'lɔ na sāɪ a Yesu a kūu pɔ, ben a yɪ 'yɔ̃ɔ, 'lɔ na sāɪ a Kɪrɪsɪto a kūu pɔ, na kɔn a yɪ āgān kūn nyevɔɾ tu a wɔ Sɪε pɔ, a 'lɔ na be a yɪ 'yɔ̃ɔ.

XII A le jūu n yeɛɾ, sɪ din sān, tɪche a ba ɪ a sɪ yelbier āgān nyā le ε, a sɪn turo a le wɔn bʊɔɾɔ ε. **XIII** Bojūu ala ɪ yɪ turo naa a le a yɪ yelbier āgān na bʊɔɾɔ, yɪn kpi naa, tɪche ala ɪ yɪ den a Nāaŋmɪn Sɪε kɔn a āgān ma maal bidebe bar, yɪ ben a nyevɔɾ sɔɾ pɔ. **XIV** Bojūu bala jaa a Nāaŋmɪn Sɪε na chiine, bala le ɪ a Nāaŋmɪn bibiir. **XV** A ba ɪ a Nāaŋmɪn Sɪε wɔn kɔ yɪ, waa maala yɪ gbāgbaar ka a dābāε kɔɾɔ yɪ go ε, tɪche wɔ kɔ yɪn a wɔ Sɪε a yɪ heb a wɔ bibiir. A Sɪε nyā le sɪ ma de bʊɔɾɔ wɔ, “N Sāa Nāaŋmɪn.” **XVI** A Nāaŋmɪn Sɪε māε din dāasɪε nɪ a sɪ sɪr ɪka sɪ ɪn Nāaŋmɪn bibiir. **XVII** Pōpāanyā, ala ɪ sɪ ɪ naa Nāaŋmɪn bibiir, sɪn le so a bōsɔn ala a Nāaŋmɪn na tɪr a wɔ nεε, 'matāan a Kɪrɪsɪto. Ala ɪ sɪrε jaa, sɪ lɔɔn wɔn di a wɔ dɔɔye, le le sɪ mɪn 'matāan wɔ pō a wɔ tɪr.

XVIII N man nyε a sɪ dɪna dɔɔye ka waa jā bon ε, ɪn de man a Nāaŋmɪn tɪr 'lɔ na wa nyɪr a sɪ sē. **XIX** A bōmaalsɪ a jaa nyonyolɔ naa chule nɪ a Nāaŋmɪn bibiir wɔn wa vē a ba nyɪrε. **XX** Bojūu a bōmaalsɪ a jaa ben a āgān sal pīlem an ba ɪ a ba māε bɔfɔ ε, **XXI** tɪ ɪ a 'lɔ na maal ba bɔfɔ, na wɔ chene tara ba nɪ tɪr sō, ɪka a Nāaŋmɪn na wa faa ban yɪn a gbāgbaa 'lɔ na sɔɔnɔ kpe a māε sofɔ 'lɔ na ɪ a Nāaŋmɪn bibiir tɪr pɔ.

XXII Bojũu sɪ bõɔn naa a bõmaalsɪ a jaa na hõnõ, ka a ɔɔrɔ ba fɪka pɔɔ na dɔɔrɔ yi a lɛ daar jaa wa tãn a dɪna. **XXIII** A ba ɪ lɛ tɛɛ lɛ ɛ, tɪchɛ a sɪn mãɛ lɛ tara a Nãanmɪn Sɪɛ kɔfɔ bidõɔ, mɪ ɔrɔ a sɪ pɔɔm na sɪ nyɔnyɔlɔ chele nɪ wɔn wa lɛɛb sɪ a wɔ bibiir, nɪ a faafɔ wɔn wa faan a sɪ ãgãma. **XXIV** A tɪertɔ nyãna jũu lɛ sɪ nyen a faafɔ. Tɪchɛ bon fun nyen nɪbir, fɔ maa lɛ tara a wɔ tɪɛr go ɛ. An lɛ ma tɪɛrɛ bon wɔn tara baar? **XXV** Tɪchɛ ala ɪ sɪ tɪɛrɛ na bon sɪn ba tara sɛrɛ ɛ, sɪ ma din kãnyir chele.

XXVI A lɛ nɪ wɔ ju mɪ lɛ a Nãanmɪn Sɪɛ ma sɔnõ sɪ a sɪ balfɔ pɔ. Saa bõɔ a lɛ sɪn taa ma sɔɔr a Nãanmɪn ɛ, a Nãanmɪn Sɪɛ mãɛ lɛ ma de hõɔnfɔ 'lɔ sɪn kõ tõɔ man a 'yerbie ɛ, na wɔ ma sɔɔrɔ kɔrɔ sɪ. **XXVII** Nɪrɛ 'lɔ na ma chɛl a sɪ nyãa bõɔn a Nãanmɪn Sɪɛ tɪɛr, bojũu a Nãanmɪn Sɪɛ nyãna lɛ sɔɔrɔ a Nãanmɪn kɔrɔ a wɔ nɪbe nɪ a lɛ wɔn bɔɔrɔ.

XXVIII Sɪ bõɔn naa ɪka a yelee a jaa pɔ, Nãanmɪn ma tõn ka a ɪ sõ kɔ a bala na nõ wɔ, a bala wɔn tu a wɔ tɪɛr pɔ bɔɔl. **XXIX** Bojũu bala a Nãanmɪn na de nie bõɔn na wɔ chɛl ir ka ba lɛɛb kaara a wɔ Bie kaar, ka wɔn ɪ a yeer ba jaa pɔ Bidadõɔ. **XXX** A bala wɔn de nie ir, bala lɛ wɔ bɔɔl, a bala wɔn bɔɔl, bala lɛ wɔ vɛ ka a ba yelee tor, a bala mɪ wɔn vɛ ka a ba yelee tor, bala mɪ lɛ wɔ 'yõɔ tɪr.

XXXI Bo lɛ sɪn pãa 'yer nɪ a yelee nyãna? Ala ɪ Nãanmɪn ben a sɪ sɛ, an lɛ na tõɔ jɛb sɪ? **XXXII** A 'lɔ na ba mõɔ sɪ a wɔ mãɛ bie ɛ, tɪchɛ na wɔ sɔɔ bar sor ka ba kɔ wɔ a sɪ jũu, bo lɛ na ŋmaa wɔ sor ka wɔ kõ de a wɔ wãɛfɔ 'matãan a bomo a jaa kɔ sɪ ɛ? **XXXIII** An lɛ na tõɔ 'yer 'yer dɔɔl a

bala a Nāaḡmɪn na ir? Nāaḡmɪn mǎe le maal ba a ba tor. ^{XXXIV} An 'lo le na tǔo 'yǔo ba 'yer? Nɪre jaa ba be be ε. A Yesu Kɪrɪsɪto nyā na kpi, 'lo le a Nāaḡmɪn mɪ sāt ka wɔ ir ɪ vɔr na wɔ ara Nāaḡmɪn nūsǔo jie, 'lo le sɔoɔ a Nāaḡmɪn kɔoɔ sɪ. ^{XXXV} An le na tǔo tɔo sɪ yin a Kɪrɪsɪto nǔfo nyā pɔ? Wǔm, bu wɔɔr, bu gefɔ, bu kǔ, bu sal'mɔoɔr, bu dɔɔye, bu ban na kɔ sɪ nɪ sɔo? ^{XXXVI} Nɪtāa le an seɓ a Nāaḡmɪn gān pɔ, “A yɪ jūu, sɪ ma tuor kūu bɪbir jaa. Ba ma kaa sɪn fɪka piir ban chiine nɪ kɔkɔe ḡmafɔ jie.” *(Yiel Gān 44:22)*

^{XXXVII} Kai, a anyāna a jaa pɔ, sɪ ɪ naa tǔtǔoɔnbɔ tu a 'lo na nǔ sɪ 'yǔo. ^{XXXVIII} Bojūu n bǔoɔn sɪre jaa ɪka kūu, bu nyevɔr, bu malakasɪ, bu a sɪdeɓe, bu ka dɪna le, bu nɪdaar, bu ka kpāen dēme le, ^{XXXIX} ka dofɔ le, bu suufɔ le, bu bon jaa na be a bǔmaalsɪ pɔ le, āsɔo jaa kǔ tǔo tɔo sɪ yin a nǔfo a Nāaḡmɪn na nǔ sɪ a sɪ Soro Yesu Kɪrɪsɪto 'yǔo ε.

IX

^I Yelmǎe le n 'yerɛ a Kɪrɪsɪto 'yǔo, n ba ḡmara jɪrsɪ ε, a n tɪer mɪ dɪn dāasɪe a Nāaḡmɪn Sɪe pɔ. ^{II} Nɪbaal kpɛ man tɪ pǔn bar, ka wɔɔr seɛ ma a nyāa. ^{III} An taa nǔmǔ ma naa ɪka n ben pɔ'yǔoɔfo pɔ naa ba le pɔo a Kɪrɪsɪto pɔ ε, a n yerɛ Isɪral nɪɓe jūu, bala le ɪ a n mǎe nɪɓe. ^{IV} A Isɪral nɪɓe bala le a Nāaḡmɪn de ka ba ɪ a wɔ bibiir, na wɔ kɔ ba a wɔ tɪr nɪ a nɛtɪrsɪ won pɔn ba, na wɔ kɔ ba a nɛbināa, nɪ a le ban na puoro wɔ a wɔ puorfo yir nɪ a nɛer won tɪr kɔ ba. ^V Bala le ɪ a sǎakpāmɪne, a ba pɔ le ba bɪer a Kɪrɪsɪto mɪ na

ι a nısaal yi, na wσ ι a Nāanmın kaara a bomo a jaa, 'lo le ban peere bıbir jaa. A ι a le.

^{VI} A ba ι fıka a Nāanmın 'yer ın faa ε, bojūu a ba ι a bala jaa ban dōo a Isıral nıbe pō, ba jaa le ι a Isıral nıbe ε. ^{VII} A ba ι baa yi a wσ par pō ε, ba jaa baa ι Abraham bibiir ε, tıche Nāanmın dōo tır neε kō a Abraham ıka, “Isaaku 'yōo le a fı yon na yi.” (*A Pielfo Gān 21:12*) ^{VIII} A ba ι a āgān vaar bibiir le ι a Nāanmın bibiir ε, tıche a bibiir bala a Nāanmın na tır a neε a wσ dōo, bala le wσ kaa a ba ι Abraham bibiir. ^{IX} Bojūu nıtō le a Nāanmın dōo tır a neε 'yer, “A daar wa ta, ın lıeb wa ka a Saara dōo dabile.” (*A Pielfo Gān 18:10, 14*)

^X A ba ι anyā tee le ε, tıche a Worbeka doon dabil ayi ka ba sāa ι bō'yen tee na ι a sı sāakpā Isaaku. ^{XI} Sere tı ka wσ wa dōo a yıbe banyāna, baa mı maal yele jaa vıla bıı deer ε, tı nıtō le a ι ıka a Nāanmın bōfo pō le wσ ma tu ir a nıre. ^{XII} A kō ι a fı tōmō jūu ε, tıche a 'lo na bōol fı. Nāanmın 'yer kō a Worbeka, “A yekarma na tōnō na kuro a yebile.” (*A Pielfo Gān 25:23*) ^{XIII} Le mı le a seb a Nāanmın gān pō, “N nōn Jekōb tıche naa 'laar a Esau.” (*Malakai 1:2, 3*)

^{XIV} Bo le sın pāa le 'yer? Nāanmın ın nıfilefile bıı? Kai. Sır ba be be ε! ^{XV} Bojūu wσ 'yer kō a Mosesı, “Nıre 'lo ın na kaa nıbaal le ın na kaa nıbaal, naa maal vıla kō a 'lo ın na maal vıla kō.” (*A Yifo Gān 33:19*) ^{XVI} A le jūu a ba ι le nıre na bōoro ε, bıı na tōnō le ε, tıche a yin Nāanmın nıbaal kaafō pō. ^{XVII} Bojūu Nāanmın dōo 'yer kō a Ijipiti nāa Faaro ıka yaa, “Maa le bıın fı a yele

nyāna jūu, ɪka n wiil a n kpěɔ a fo 'yɔɔ, ka ban buol a n yuor a wer wɔ jaa.”

(A *Yifu Gān 9:16*) ^{XXVIII} A le jūu, Nāanmɪn ma kāan nɪre 'lo won buoro nɪbaal, a 'lo wɔ mɪn buoro, wɔ ma vɛn ka a wɔ nyāa kpěmɛ.

^{XIX} ɪsoo na suor ma naa ɪka, “Bo le so ka a Nāanmɪn na de yelee dool si? Bojūu nɪre jaa kɔ tɔɔ tor a le a Nāanmɪn na buoro ɛ?” ^{XX} Tiche fɔo mɪ nɪ ana, nɪsaal na fon 'yer lɪer Nāanmɪn? “Laa na tɔon suor a 'lo na mɛ wɔ ɪka, ‘Bo le fɔ mɛ ma a nɪtɔ ɔ?’ ”

(*Isaiya 29:16*) ^{XXI} A lamɪere ba tara sɔr ɪka wɔ de a yoor bɔ'yen 'lɔnɔ men bɔɔdɔɔ tiche men ladiraa ɛ?

^{XXII} Bo le, ala ɪ Nāanmɪn le kaa ir ɪka wɔ wiil a wɔ suur na wɔ vɛ a ba bɔon a wɔ kpěɔ, tɪ na wɔ chene tara kānyir nɪ a bonɪ ala won choor gun a sɔɔ barfo? ^{XXIII} Bo le, ala ɪ wɔ maal a nɪtɔ ɪka a bonɪ ala na ɪ a wɔ nɪbaal bomo, ka a bɔon a wɔ tɪr tɔnɔ, a bala won de nie choor gun a wɔ tɪr, ^{XXIV} a sɪn gba wɔ mɪ na buol, na ba ɪ a Juu nɪbe tɛɛ ɛ, tiche na wɔ buol a bala na ba ɪ a Juu nɪbe mɪ? ^{XXV} Nɪtāa le a Nāanmɪn na vɛ ka a wɔ 'ye'yere Hosea seb a wɔ gān pɔ, “In buol ban a maa nɪbe, a bala na ba ɪ a n nɪbe ɛ, naa buol wɔ a n nɪ nɔ naa, 'lo na ba dɔɔ ɪ a n nɪ nɔ naa ɛ.”

(*Hosea 2:23*) ^{XXVI} Ka wɔ seb a nɪtɔnɔ an ɪ a jie 'lɔnɔ won 'yer ɪka, “Yaa ɪ a n nɪbe ɛ, bala naa le ban le buol a Nāanmɪn vor bibiir.” (*Hosea 1:10*)

^{XXVII} Isaiya mɪ dɔɔ mool a Isɪral nɪbe na wɔ 'yer, “Ala ɪ a Isɪral nɪbe gba waan fɪka man nɛɛ bire, a bālāa bala na wa che, le na nye faafɔ. ^{XXVIII} Bojūu a sɪ Soro na pɔon naa a wɔ 'yer tɔorfɔ na wɔ ŋmaa a ju.”

(*Isaiya 10:22, 23*)

XXIX Isaiya dõon de nie 'yer, “Ala ba ı a sı Soro na ı a gādaa jaa gādaa soo le dõo bar a sı par ŋmaa ε, sin taa mı nyool kaara a Sodom nı a Gomora tēn kaar.” *(Isaiya 1:9)*

XXX Bo le sin pāa le 'yer? A bala na ba ı a Juu nibe ε, na ba dõo turo a yeltorsı ε, bala le be tara yaa. A ba yele tor naa ban tara soofu jūu. XXXI Tiche a Isıral nibe na turo a yeltorsı ba tara yaa ε, XXXII Bo le so? Bojūu baa turo nı soofu ε, tı turo nı tōmõ, na ba bār a kōsır bāraa. XXXIII Nıtāa le na seb a Nāanmın gān pō a wō 'yer, “Nyε, n bin a kōsır be a Jiyon ka nibe na bāra nı a pie 'lo na vē ka ba loro, ka nıre 'lo jaa na soo de wō, vā kō kpe wō ε.” *(Isaiya 8:14)*

X

I N yeer, le a n nyāa na booro ka n sooro nı Nāanmın le ıka, a Isıral nibe ba nye faafō. II Bojūu ın tōon di a ba dāasıe ıka ba tara na nıbijıe nı a Nāanmın yele, tiche bōofu le ba pōo a ba nıbijıe pō ε. III Ban ba bōo a Nāanmın yeltorsı ε, tı na ba booro ıka ba bin a ba māe yeltorsı, baa siir ba māe kō a Nāanmın yeltorsı ε. IV Kırısıto le ı a nebināa tēefu jie, ka nıre jaa na soo de wō, won vēn ka a nınyıne yele tor.

V Nıtõ le a Mosesı man a le a nebināa na ma vē ka nıre yele tor, “A nıre 'lo na maala a le a nebināa na 'yer, na tara na nyevor.” *(Mosesı Gāma Na Tu Ata 18:5)* VI Tiche a yeltorsı ala na yire a soofu pō 'yer naa, “Ta tıer a fō nyāa pō soor ıka, ‘An le na do a saaju?’ *(Mosesı Gāma Na Tu Anūu 30:13)* Ka a le wiil ıka, tı tara a Kırısıto suu waan. VII Bı soor a fō māe ıka,

'An le na chen a kp̄i t̄ee?' " (*Mosesi Gāma Na Tu Anūu 30:13*) Ka a le wiil ɪka, tɪ ir a Kɪrɪsɪto a k̄u pɔ waan. ^{VIII} Tɪche bo le a 'yer a Nāanmɪn gān pɔ? "A 'yer gbɔr fɔ naa, a ben a fɔ n̄e pɔ, naa be a fɔ nyāa pɔ." (*Mosesi*

Gāma Na Tu Anūu 30:14) Ala le ɪ a sɔɔfɔ 'yer nyā sɪn m̄ɔɔɔ. ^{IX} Ala ɪ fɔ haan a fɔ n̄e chiir a fɔ pɔɔ 'yer ɪka, "A Kɪrɪsɪto le ɪ a Soro," na fɔ sɔɔn a fɔ nyāa wɔ jaa ɪka, Nāanmɪn ir won a k̄u pɔ, fɔn nyen faafɔ. ^X Bojūu a fɔ nyāa 'lɔ fɔn sɔɔ den le na v̄e ka a fɔ yele tor, ka a fɔ n̄e 'lɔ fɔn haan 'yer le na faafɔ. ^{XI} Nɪtāa le an seɓ a Nāanmɪn gān pɔ, "Nɪre 'lɔ jaa na sɔɔ de wɔ, v̄a k̄ɔ kpe wɔ ε." (*Isaiya 28:16*) ^{XII} Bojūu t̄eɛ

taa ba be a Juu nɪre nɪ a 'lɔ na ba ɪ a Juu nɪre ε. A Soro b̄'yen 'lɔn̄ɔ le ɪ ba jaa Soro, na wɔ s̄ɔn̄ɔ a bala jaa na b̄ɔɔɔ a wɔ yuor. ^{XIII} Bojūu a seɓ a Nāanmɪn gān pɔ ɪka, "Bala jaa na b̄ɔɔɔ a Soro yuor ɪka wɔ s̄ɔɔ ba, na nyen faafɔ." (*Joel 2:32*)

^{XIV} N̄mɪne le ban ɪre wa b̄ɔɔɔ a Nāanmɪn 'lɔ ban ba sɔɔ ε? N̄mɪne le ban ɪ wa sɔɔ a nɪre 'lɔ ban ba w̄ɔ a wɔ 'yer ε? N̄mɪne le ban ɪre wa w̄ɔ a wɔ 'yer ka nɪre k̄ɔɔ ba wa m̄ɔɔɔ a wɔ 'yer kɔ ba ε? ^{XV} N̄mɪne le ban ɪre wa m̄ɔɔɔ ka baa t̄ɔ ba ε? Nɪtāa le an seɓ a Nāanmɪn gān pɔ, "Nye le a bala na waara nɪ a 'yer n̄ɔɔ gb̄eɛ na v̄ɪɛɛ ka." (*Isaiya 52:7*)

^{XVI} Tɪche a ba ɪ a Istral nɪbe ba jaa le l̄ɛɓ kaa a 'yer n̄ɔɔ nyā ε. Bojūu Isaiya d̄ɔɔ s̄ɔɔr, "Sɪ Soro, an le sɔɔ de a sɪ 'yer?" (*Isaiya 53:1*) ^{XVII} Sɪre jaa le ɪka 'yer fɔn ma w̄ɔ pɔ le fɔ ma sɔɔ, ka a 'yerbie ala ban w̄ɔ ɪn a Kɪrɪsɪto 'yer. ^{XVIII} Tɪche

ka n suor, a mō baa wō naa ε? Sire jaa le ba wō naa naa. “A ba kokor yin de jie wō jaa, ka a ba 'yer ti ta a wer tæfō jie.” (*Yiel Gān 19:4*)^{XX} N le suor kaa go, a mō a Isral nibe ba bōo a par ε? Mosesi dōo de nie 'yer, “A bala na ba i paal ε, in maal ba naa ka nyuur kpe yi, naa le maal a paal 'lo na ba bōo bon jaa ε, ka suur kpe yi.” (*Mosesi Gāma Na Tu Anūu 32:21*)^{XX} Ka Isaiya mi ba dōo jo dābāe ε, ti 'yer ika, “A bala na ba dōo yuoro buoro ma ε, ba nye ma naa, n wiil naa n mæe kō a bala na ba dōo soro ma ε.” (*Isaiya 65:1*)^{XXI} Tiche a Isral nibe 'lo, nūtō le wō 'yer, “Bibir jaa le n ma tur a n nuur buolo a bibawōnsi ni a nidebe, na turo a soi ala na ba viele ε buoro a ba mæe tiersi bōbuorsu.” (*Isaiya 65:2*)

XI

^I N pāa suor naa, a Nāanmūn ben tōr a wō nibe bar bu? Kai! A maa mæe in a Isral nire, naa i a Abraham yōo yi a Benjamin boro pō. ^{II} Nāanmūn ba tōr a wō nibe bar ε, bala le wō de nie bōo. Yaa bōo a le a Nāanmūn gān na 'yer, le a Elaija na dōo suorō Nāanmūn waala doolo a Isral nibe, ^{III} “N Soro, ba kon a fō 'ye'yerbe, na ba wel a fō boor lofo jiiir bar. Maa tæe le che, ti a ba buoro a n kufō.” (*Nāmīne Gān Dōo 19:10, 14*)^{IV} Bo le a Nāanmūn 'yer kō a Elaija? Wō 'yer naa, “N chene na tara nibe tur ata kōor anūu (7,000) na ba gbur dumo puor a tu Baal ε.” (*Nāmīne Gān Dōo 19:18*)^V Le mi le a dina, nibe bamīne che naa ka Nāanmūn na ir ba a wō wæfō jūu. ^{VI} Ala be i a wæfō jūu le,

a ba le ι tōmō 'yōo le go ε, ka le ba le ε, a wāefo kō le ι wāefo le go ε.

VII Bo pāa le? A ala a Isral nibe na bōoro nibijie baa nye ε, tiche a bala a Nāanmın na ir le nye. Ka a bala na che kpēme a ba nyāa. **VIII** Nūtāa le an seb a Nāanmın gān pō, “Nāanmın vën ka ba ι jaa bürtüm wa tån a dına. A ba nibie ala maa tōo nye bon ε, ka a ba tobo ala maa tōo wō 'yer ε.”

(Mosesi Gāma Na Tu Anūu 29:4) **IX** A Nāa David mı dōo 'yer a ba 'yer a wō gān pō, “Vë ka a ba bōdiir difo jie ka a lieb bōnyōorsı nı cheer, ka a ι a ba bār lofo jie nı a ba sāyar. **X** A ba nibie a jōo, a ba kō tōo nye jaa ε, na ba kab gōmō kō le tōo dōl ε.” *(Yiel Gān 69:22, 23)*

XI N le suor go, ba ben bār na lo na ba kō tōo ir jaa ε? A ba ι le ε. A ba maal bōrfu jūu, a bala na ba ι a Juu nibe ε, nyen faafu ka nyuur na kpe a Isral nibe. **XII** Tiche ala ι a ba maal bōrfu vën ka a wer wō jaa le, ka a ba bōrfu mı le a bala na ba ι a Juu nibe ε, a bala mæ wa pōo ηmine le an kaara!

XIII Yın na ba ι a Juu nibe le n 'yere korō, an ben ıka maa le a Nāanmın ir tō a yı pō, ka n ι a nıtōnāa a yın na ba ι a Juu nibe pō. N mōon nibir nı a tōmō nyā. **XIV** A maa tier le ıka nyuur wō kpe a maa mæ nibe ka n tōo a bamıne faa. **XV** Bojūu ala ι a ba tor barfo ın 'maalfu kō a wer, ka a Nāanmın le wa de ba, ηmine le an kaara, a kō kaara fıka nıre na yi kūu pō tara nyevor ε? **XVI** Ala ι fu den a paanōdōo kō Nāanmın, a paanōo ala na che, a jaa ın cheche. Ala ι fu den a tie nyur kō Nāanmın, a tie wılsı mı ın cheche.

XVII Ala ɪ ba 'mel a tɪe mǎe wile āsɔɔ bar tɪ ηmaa a yɪn na ɪ a mɔɔ pɔ tɪe wile wa mar ka yɪ 'mataa tɔɔɔ nyuro a kɔ̃bɔ̃'yen yire a tɪe āgǎn pɔ nɔ̃ɔnɔ̃, **XVIII** taa tɪer ɪka fɔ sa naa a wɪlɪ ala ε. Fɔ̃ɔ wa 'mɔɔɔ fɔ mǎe, lɪeb tɪer kaa ɪka a ba ɪ a fɔ̃ɔ na ɪ a wile le tuo a nyɪbe ε, tɪ a nyɪbe le tuo a fɔ̃ɔ na ɪ a wile. **XIX** Yɪn 'yer yɪn pǎa na 'yer nɪ nyǎ, “Ba 'mel a wɪlɪ ala bar tɪ pǎa na de ma mar.” **XX** A le ɪn yelmǎe, tɪche ba dɔ̃ɔ 'mel ba bar a ba ba sɔɔfɔ jũu, tɪche ka a yɪn ara nɪ sɔɔfɔ. Yɪ ta bɔɔɔ yuor ε, tɪche yɪ joro dǎbǎe. **XXI** Bojũu ala ɪ Nǎanɪmɪn ba dɔ̃ɔ bar a tɪe mǎe wɪlɪ ε, wɔ kɔ̃ bar a yɪn mɪ ε.

XXII Yɪ tɪer kaa le a Nǎanɪmɪn na ɪ a maal vɪla sɔɔ ka a wɔ yele mɪ kpɛ̃mɛ, a wɔ yele kpɛ̃mɛ na kɔ a bala na lo, tɪche na wɔ maal vɪla kɔ a yɪn, ala ɪ yɪ chene na chiine a wɔ maal vɪla pɔ. Ka le ba le ε, wɔn ηmaa yɪn bar. **XXIII** Ala wa ɪ ba tɛen a ba baal bar, Nǎanɪmɪn na tɔ̃ɔn de ba le mar a tɪe 'yɔ̃ɔ, Nǎanɪmɪn na tɔ̃ɔn le de ba mar a le go. **XXIV** Yɪ kaa, ala ɪ a yɪn ban ηmaa yɪn a mɔɔ pɔ tɪe pɔ wa mar a yir tɪe ban sel, an le ɪn tuo a yir tɪe wɪlɪ ala ban dɔ̃ɔ 'mel bar marfɔ bɪ?

XXV N ba bɔɔɔ ɪka n vɛ̃ ka a yelsɔɔlaa nyǎ sɔɔl a yɪn na ɪ a n yeer tɪ ba ɪ a Isɪral nɪbe ε, ka yɪ taa bɔɔɔ yuor nɪ a yele nyǎ ε. A Isɪral nɪbe tara na a nyǎkpǎen a le ne na tɪ tǎn a sɔ̃ɔ 'lo a bala na ba ɪ a Isɪral nɪbe ε, na wa tɪ nye a faafɔ baar. **XXVI** Le le na ɪ tɪ a Isɪral nɪbe ba jaa pǎa nye faafɔ nɪtǎa le na seb a Nǎanɪmɪn gǎn pɔ, “Fafaara na yɪn be a Jiyon wa, na wɔ wa lɪeb tɪer jaa na ba vɪle ε, yɪn a Jekɔb bal nɪbe pɔ bar. **XXVII** A netɪraa le a

nyāna ɪn na tara nɪ ba, a sɔ̃ɔ 'lɔ ɪn wa de a ba yelɛbe a jaa bar.” *(Isaiya 59:20, 21)*

XXVIII Fɔ̃ɔ kaa, a 'yer nɔ̃ɔ nyā vɛn ka ba ɪ Nāanɪmɪn dɔ̃dɛme a yɪn na sɔ̃ɔ de jūu. Tɪche ala ɪ a ɪrfɔ pɔ mɪ le, bala le a Nāanɪmɪn nɔ̃ yɔ̃ɔ a ba sāakpāmɪne jūu. **XXIX** Bojūu Nāanɪmɪn kɔfɔ nɪ a wɔ bɔɔlfɔ kɔ̃ tɔ̃ɔ lɪeb jaa ε. **XXX** Nɪtāa le a yɪn mɪ na ba ɪ a Juu nɪbe ε, na yaa dɔ̃ɔ wɔ̃nɔ a Nāanɪmɪn toor ε, tɪche pɔ̃pāanyā yɪ nyen a wɔ nɪbaal a ba bawɔ̃fɔ jūu. **XXXI** Le le a bala mɪ na ɪ a Juu nɪbe, ba mɪ lɪeb ɪ bawɔ̃nsɪ, na ba pāa mɪ na nyɛ a Nāanɪmɪn nɪbaal a pɔ̃pāanyā, nɪtāa le a sɪn mɪ na nyɛ a Nāanɪmɪn nɪbaal. **XXXII** Bojūu Nāanɪmɪn pɔ̃ɔn a nɪbe ba jaa a bawɔ̃nsɪ die pɔ, na wɔn tɔ̃ɔ kaa ba jaa nɪbaal. **XXXIII** Nyɛ le a Nāanɪmɪn lefɔ na suu jā. A wɔ yɛ nɪ a wɔ bɔ̃ɔfɔ ba gbɔr ε! A wɔ 'yer tɔ̃ɔrfɔ ba be bɔ̃ɔfɔ ε. A wɔ sɔɪ mɪ ba be bɪɛrfɔ ε! **XXXIV** “An le dɔ̃ɔ bɔ̃ɔ a sɪ Soro tɪɛr? Bu an le mɪ dɔ̃ɔ ɪ a wɔ 'yer sɔ̃nɔ̃.” *(Isaiya 40:13)*
XXXV “An le dɔ̃ɔ de nie kɔ Nāanɪmɪn bon, ka wɔ pāa wa yara a sān?” *(Job 41:11)*
XXXVI Bojūu wɔ jie le a bomo a jaa yɪ. 'Lɔ le maal a jaa, na wɔ so a bonɪ a jaa. 'Lɔ le so a tɪr bɪbɪr nɪ bɪbɪr jaa. A ɪ a le.

XII

^I A le jūu, n sɔ̃ɔɔ yɪ naa yɛɛr, a Nāanɪmɪn nɪbaal nyā jūu, yɪ de a yɪ māɛ na ɪ bɔ̃nɪbie lon bɔ̃ɔr kɔ Nāanɪmɪn. A ɪn cheche naa pɛle a Nāanɪmɪn pɔ̃ɔ. Le le ɪ a puorfɔ na tara par. ^{II} Yɪ taa le wa lɪɛɛ maala a le a wɛr nɪbe na maala go ε, tɪche yɪ maala a le na lɪɛɛ yɪ a tɪɛr paalaa nyā yɪn nyɛ. Yɪn pāa tɔ̃ɔn bɛɛr na yɪ bɔ̃ɔ a Nāanɪmɪn

bofo, a ala na ɪ vɪla naa peɛ a wɔ pɔɔ naa ɪ cheche.

III A Nāanmɪn wāefo nyā won wāe ma jūu, n sooro naa a yɪ āsoo jaa ɪka, ta tɪer a yɪ mǎe tɪ pōn bar a le yɪn taa tɪer ε, tɪche yɪ ma tɪer a yɪ mǎe 'yer tɔɔrfɔ nɪbijɛ jaa jā a soofɔ 'lo a Nāanmɪn na kɔ yɪ. IV Nɪtāa le a sɪ āsoo jaa na tara āgān tɪ ka a tara jidēdēme, a jidēdēme anyāna ba tōnō tōbō'yen ε. V Le mɪ le a Kɪrɪsɪto pɔ, a sɪn bala na ɪ yɔɔ tɪ lɔɔ āgān bō'yen pɔ, a jidēdēme anyā a jaa 'mantaa tōnō. VI Sɪ jaa tara na kɔfɔsɪ na tɛe taa, tu a le a Nāanmɪn wāefo won wāen sɪ. Ala ɪ a āsoo kɔfɔ ɪn a Nāanmɪn 'yer 'yerfɔ le, wɔ ma 'yere jā a le a wɔ soofɔ na ta. VII Ka ala ɪ tōmō tōfɔ mɪ le, vɛ ka wɔ ma tōnō, ala ɪ wiɪfɔ mɪ le, vɛ ka wɔ ma wile. VIII Ala ɪ ākpɛɔ 'yɔɔfɔ le, vɛ ka wɔ ma 'yɔɔnō a ākpāen. Ka ala ɪ a wɔ kɔfɔ le nɪbaalsɪ sōofɔ, vɛ ka wɔ ma sōnō ba nɪ pɔpɛl. Ala ɪ nɪdiere tōmō le, vɛ a wɔ ma mōɔ nɪbir nɪ a tōmō. Ala wa ɪ nɪbe 'maalfɔ tōmō le, wɔ ma maala a le nɪ chɪlfɔ.

IX Nōfɔ wɔ ɪ yelmǎe nōfɔ. 'Laar bon 'lo na ɪ dɛer, tɪ 'mar bon 'lo na ɪ sō. X Yɪ cheɛ taa yeɛ, na yɪ de a yeer nōfɔ nōn taa. Yɪ 'yɔɔnō a yɪ taaba gar a yɪ mǎe. XI Yɪ ta ɪ nɪ tūtɪlsɪ ε, tɪche yɪ vɛ ka a nōmō yɪ a yɪ mōɔ nɪbir nɪ a sɪ Soro tōmō. XII Yɪ chɪle nɪ a yɪ tɪertɔfɔ jie, na yɪ tara kānyir a yɪ wōm pɔ, na yɪ tara yelmǎe nɪ a yɪ Nāanmɪn soorfɔ pɔ. XIII Yɪ ma lɔɔ pōn a Nāanmɪn nɪbe bala na ba tara bon jaa ε, na yɪ ma diere sāanba a yɪ yie pɔ.

XIV Na yɪ 'yere nevɪla 'yɔɔnō a bala na gere yɪ, na yɪ 'yer nevɪla 'yɔɔ ba, yɪ ta pɔ 'yɔɔ ba ε. XV Yɪ

chule ni a bala na chule, na yi mi pɔɔ a bala na kōnō na yi kōnō. ^{XVI} A yin ni a bala na kpɛɛɛ, yi tara tier bō'yen. Yi ta kaara ba pɔɔ ε, tiche yi sɔɔ 'matāan a nibe bala na ba jā yi ε. Yi ta kaa ika yin in yē dēme ε.

^{XVII} Yi ta de bier yāan bier sān ε. Yi bōɔnō sō, na yi maala a ala na vɛɛɛ nɛɛ jaa niem. ^{XVIII} Ala i an tōɔ naa, an i yin māɛ ɛ, yi tara nyā'maar ni a bala jaa yin lōɔ kpɛɛɛ ni. ^{XIX} N barmine, yi taa ɛɛ wa yaara taa sān ε, tiche yi baraa kɔ a Nāanmɪn suur. Bojūu a seb a Nāanmɪn gān pɔ ika, “Maa ɛ so a sān yaafɔ, in lɛɛb yaa a sān.” ɛ ɛ a Soro 'yer. (*Mosesi Gāma Na Tu Anūu 32:35*) ^{XX} ɛ an na i ɛ ika, “Ala i kō kpēn a fɔ dōsɔɔ, kɔ wɔ bōdiir a wɔ di. Ala i kōnyūur wa kpɛ wɔ naa, kɔ wɔ kōɔ a wɔ nyū. Fōɔ be maala a nitō, an kaara fika būu saalbie ɛ fɔ mōɔ dɔɔɔ wɔ a jum.” (*Sokpar Gān 25:21, 22*) ^{XXI} Yi ta vē ka bier tōɔ yi ε, tiche yi de vɛɛɛ tōɔn bier.

XIII

^I A yi āsɔɔ jaa wɔ ma siir a wɔ māɛ kɔ a paal nibeɛɛ, bojūu kpēɔ jaa ba be be ka a ba i Nāanmɪn ɛ bin ε. Kpēɔ sɔɔ jaa ba be be ka Nāanmɪn ba ɛ bin wɔ ε. ^{II} A ɛ jūu, nɛɛ 'lo jaa na chɛɛ ni a kpāɛn dēme ba nyāna, a Nāanmɪn na bin ba ɛ wɔ chɛɛ ni, ka a bala na ɛɛ a ɛ na 'yōɔn ba māɛ 'yer. ^{III} Bojūu a kpāɛn dēme maa diere bier dɔɔɔ a bala na maala vɛɛ ɛ, tiche a bala na maala a dɛɛɛ ɛ ba ma de yeɛɛ dɔɔɔ. Fɔ bɔɔɔ naa ika fɔ ta joro a kpāɛn dēme dābāɛ bu? Fɔ pāa maala a ɛ na vɛɛɛ, ban dāna fɔ naa. ^{IV} Bojūu wɔ in Nāanmɪn tōtōnō ika wɔ

maal fo wila. Tiche fõo wa maal deer 'lo, vë ka dābāe kuro fo, a ba ɪ pɔɔ 'yõo le wo tara a soo ε. Nāanmɪn tõtõnõ le wo ɪ na ara ko yeltorsɪ ɪka wo kpāana a bala na maala deer. ^V A le jūu, a tara na sor ka yɪ siir yɪ mǎe ko a kpāen dēme, a ba ɪ ban na kpāa yɪ tɛɛ jūu ε, tiche an ɪ a yɪn mǎe mɪ bõo nyoofo jūu.

^{VI} A anyāna jūu le so yɪn yara lõpoo kuro a kpāen dēme na ɪ a Nāanmɪn tõtõnbɔ na de a ba sõo wo jaa tõnõ nɪ. ^{VII} Nɪɛ jaa sǎn fon wa di, yab wo. Ka ala ɪ lõpoo le faa yab ε, yab. Ka tēmaal libie yabfo le bu, yɪ ma yab, na yɪ joro a 'lo a jofɔ na seen, tɪ 'yõonõ a 'lo mɪ a 'yõofɔ na seen.

^{VIII} Yɪ taa pēne taa libie ka sǎn ma gǎ a yɪ chara pɔ ε, a sǎn 'lo tɛɛ na gǎ a yɪ chara pɔ le, nõfo yɪn na nõ nõ taa, bojūu nɪɛ 'lo jaa na nõ a wo tɔ soo tun a le a nebināa na 'yer a jaa. ^{IX} A 'yerbinsɪ le a anyāna, “Ta sē ε.” “Ta ko nɪɛ ε.” “Ta ju nɪɛ bon ε.” “Ta jɛle nɪɛ bon ε.” *(A Yifo*

Gǎn 20:13-17) A 'yerbinsɪ ala a jaa nɪ pǎa che, ba den a jaa 'yer 'yer bir bõ'yen ɪka, “Nõ a fo tɔ soo nitāa a fu mǎe.” *(Mosesɪ Gāma Na Tu Ata 19:18)*

^X Fõo wa nõ nɪɛ, faa maala wo bier ε. Ala le so, fõo wa tara nõfo, fo tu naa a le jaa a Mosesɪ neɛ na 'yer.

^{XI} Yɪ maala a nitõ, bojūu yɪ bõon naa le a dɪna sõo nyā na kaara. A sõo ta naa ɪka yɪ jɛɔ ir a yɪ gõo pɔ, bojūu a sɪ faafɔ gbɔr jaa yēyē gar a bɪbir 'lo sɪn dõo soo de. ^{XII} A chɛn bālāa ka a tāsɔɔ baar, tiche ka a ɪ a wer mɪ tõo chaar a le ne. Yɪ ɪ a sɪ yaar a tāsɔɔ bomo bar tɪ de a chāa bomo su.

^{XIII} Yɪ ɪ a sɪ kpɪere jaa kākār fɪka a mõtõo nbe, na sɪ ir sɪ mǎe yɪn dāen boyuor pɔ, dāa buufɔ

po, sēsēyele po, ni folaa ifo po, bu gōmō bōfo ni nyuur po. ^{XIV} Tiche yi de a si Soro Yesu Kiristo na yi su po a yi mae, na yi ta le tiere ika yi ure a le a yi agān volaa na bōro go ε.

XIV

^I Nire 'lo sofo na ba jā bon ε, yi ma so de wo na yi ta tōro a wo yelbil 'yer ε. ^{II} Iso sofo ma vñ ka waa chire bon jaa ε, ka a āso sofo mi na bal ka 'lo mi dire jevai tee. ^{III} A nire 'lo na ba chire bon jaa ε, wo ta kaara a 'lo na ba dire a jaa po ε, a fō nyā mi na ba dire a jaa ε, ta kperε a 'lo na dire a jaa ε, bojū Nāanmīn de wo naa. ^{IV} Fō mi ni ana na fon tōr nire kō tōtōnō 'yer? A wo mae nikpēē sē ka wo ara na bu wo lo naa, won le ara na, bojū a wo Soro na tōon maal wo a wo ara.

^V Nire ma kāan a bībir āso a wo gar āso, ka āso kaa a bībie a jaa ka a i bō'yen. Iso jaa wo ma tier kaa a wo mae tier po. ^{VI} Nire 'lo na de a bībir āso a wo gar a jaa, wo ure a le a si Soro jū. 'Lo na ooro a nōn, wo ooro a si Soro jū, bojū wo ma soor Nāanmīn 'yō. A 'lo mi na ba ooro ε, wo mi ure a le a si Soro jū, wo mi ma puor Nāanmīn yāan. ^{VII} Bojū nire āso jaa ba be be kō a wo mae tee 'yō ε. Nire āso jaa mi ba kpi kō a wo mae tee ε. ^{VIII} Ala i si ben ka, si ben be kō a si Soro. Ala i si mi kpi naa, si kpin kō a si Soro. Ka si chene na vōro, bu si kpi naa, a si Soro le so si.

^{IX} A anyāna jū le a Kiristo kpi ti na wo le ir i vōr, ika a wo i a kūn ni a vōe ba jaa Soro.

^X Fō mi, baa 'yō le fo tōro a fo yebe 'yer, bu

bo le so ka fo kaara a fo yebe poro? Bojũu si jaa le na ara a Nãanmın 'yer toorfõ dakoo par. ^{XI} A seb a Nãanmın gãn po ıka, "A si Soro le 'yer, ın ı vor jũu, a gbedumo a jaa na gbur a n niem, ka a kòkòr jaa haa 'yer ıka maa le ı a Nãanmın." *(Isaiya 45:23)* ^{XII} Be le a si ãsoo jaa na pãa 'yer a si mãe 'yer kò a Nãanmın.

^{XIII} A le jũu, yi ı a si bar a si taaba 'yer toorfõ, na si lieb a si tier na si ta ure kòsir bãraa kòrò a si taaba soı po a ba ñmiere loro ε. ^{XIV} A maa na be a si Soro Yesu 'yõo, n soon sire jaa ıka bõdiraa jaa ba ı deer a wò mãe ε. Tiche ala ı a nure ãsoo jaa wa kãan bon ıka wò ın bõdeer, a bõnyine ın bõdeer kò wò. ^{XV} Ala wa ı a chen a fo yebe bõdiraa kõo fon di jũu, faa maala wile nı nõfo ε. Ta vë ka a fo bõdirsi sõo a fo yebe 'lo 'yõo a Kırısto na kpi ε. ^{XVI} Ta vë ka a bon 'lo fõo na bool bõvıla, ka nure bool wò bõdeer ε. ^{XVII} Bojũu a Nãanmın nãalõo yebe ba ı bõdiir nı bõnyursı yebe ε, tiche a ın torfo, nı nyã'maar nı a popel na yi a Nãanmın Sıe po yebe le, ^{XVIII} bojũu nure jaa na tõnõ kòrò a Kırısto tu a sòr nyã po, wò maala na a le na pele a Nãanmın po, ka a nıbe mı 'yere a nınyine 'yer vıla.

^{XIX} A le jũu, yi ı a si mõo nıbir, na si maala a le na waan nyã'maar a si 'yõon taa ãkpãen. ^{XX} Yi ta de bõdiir yebe sõon a Nãanmın tõmõ bar ε. Bõdiraa a jaa vıele naa, tiche a ın deer ala ı nure din bon na vë ka a wò to soo lo. ^{XXI} A le a see naa ka nure ta 'wob nõn ε, bı nyũ dãa ε, bı maal yebe kõo na vë ka a wò to soo lo ε.

^{XXII} Le jaa fon bõo a yelsı anyãna po, bar ka a be a fõo nı Nãanmın chara po. Popel soo le a 'lo

tter na ba 'yõo wo yele ni a bonst ala a 'lo mæe na 'yer ɪka a ɪ naa ε. **XXIII** Tiche nire 'lo na dire ni baal, 'yõon a wo mæe 'yer, bojũu waa dire ni soofɔ ε. Bon jaa mi na ba wa yi soofɔ pɔ ε, a ɪn bier.

XV

I Sin bala na kpẽme, a see naa ka si tuo a bala na ba kpẽme ε, na loro tuor, na si ta pele a sin mæe puur ε. **II** A si āsɔɔ jaa wo ma pele a wo to soɔ puɔ, na si sõɔ wo a wo mi ba nyibe. **III** Bojũu a Kirisito mæe gba mi ba dõɔ pel a wo mæe puɔ ε, tiche a le an seb a Nãanmin gãn pɔ ɪka, “A tobie ala a bala na tɔfɔ, a wa dool a n ju.” (*Yiel Gãn 69:9*) **IV** Bojũu a ala a jaa na dõɔ seb a Nãanmin gãn pɔ, a kõr jaa bin, a seb a sin wiilfo 'yõo, ka a gãma anyãna kɔ si kãnyir 'yõon si ākpãen ka si tara tɛrtɔfɔ jie.

V A Nãanmin na kɔrɔ yi a kãnyir na wo 'yõonõ yi a ākpãen, wo kɔ yi nebõ'yen ka yi turo ni a Yesu Kirisito. **VI** Ka yi jaa 'mataa tara tter bõ'yen na yi de nebõ'yen 'yõon a Nãanmin tter na ɪ a si Soro Yesu Kirisito Sãa.

VII Yi soɔ diere taa nitãa le a Kirisito mi na soɔ de yi, ka yin tõɔ waan pɛefɔ wa kɔ Nãanmin. **VIII** N 'yere na kɔrɔ yi ɪka, a Kirisito wa lieb naa a Juu nibe tõtõnõ a Nãanmin yelmæe jũu, na wo vẽ ka a le a Nãanmin na tɪr a nɛε kɔ a si Sãakpãmune ɪ yelmæe. **IX** Ka a bala na ba ɪ a Juu nibe ε, mi na tõɔ kɔ Nãanmin tter a wo nɪbaal jũu. Nitãa le na seb a Nãanmin gãn pɔ ɪka, “A le jũu, ɪn dãnfo naa a bala na ba ɪ a Juu nibe sɛ, naa yiel yiel kɔ a fɔ yuor.” (*2 Samuwel*

22:50) ^X A le seb go, “A yin na ba ɪ a Juu nibe ε, yi 'matāan a Nāanmɪn nibe chile.” (*Mosesi Gāma Na Tu Anūu 32:43*)

^{XI} A le seb go, “A yin na ba ɪ a Juu nibe ε, yi pɛere a si Soro, na yi yiele pɛefu yiel kuro wɔ, a yin nibe ba jaa.” (*Yiel Gān 117:1*)

^{XII} Isaiya gba mi le 'yer go a wo gān pɔ, “A Jesu nyur na le tɔ naa. 'Lo le na ir na wɔ kaara a paalsi a jaa, na wɔ mi ɪ a bala na ba ɪ a Juu nibe ε, tiertɔfu jie.” (*Isaiya 11:10*)

^{XIII} A Nāanmɪn na ɪ a yi tiertɔfu sɔɔ, wɔ sɛɛ a yi nyān ni chilfo, ni nyā'maar a le yin sɔɔ wɔ, ka a yi tiertɔfu pāa nme yaar ni a Nāanmɪn Siε kpɛɔ.

^{XIV} N yɛɛr, maa māɛ sɔɔ naa ɪka yi sɛɛn naa vɪla maalfɔ, na yi tara yɛ na yi bɔɔ taa wiilfo.

^{XV} N seb a da sɛɛr amine 'yɔɔ ku yi, ka a kaara fika n le bɔɔ tier yi go, a Nāanmɪn wāɛfu won ku ma ^{XVI} ka n ɪ a Yesu Kɪrisito tɔtɔnɔ naa tɔnɔ a bala na ba ɪ a Juu nibe pɔ jūu, naa sɔnɔ mɔɔlo a Nāanmɪn 'yer nɔɔ. Le le a bala na ba ɪ a Juu nibe ε, puorfɔ na tara par ka a Nāanmɪn sɔɔ de na wɔ oon ba ni a wɔ Siε.

^{XVII} In be a Yesu Kɪrisito 'yɔɔ jūu, a tɔmɔ ɪn tɔnɔ kuro a Nāanmɪn yin yuor. ^{XVIII} N kɔ wa 'la 'yer 'yer jaa ε, ka a ala a Kɪrisito na maal baar ba le ε, tu a n 'yɔɔ ka a bala na ba ɪ a Juu nibe ε, liɛɛ wa wɔnɔ a Nāanmɪn toor, tu a le ɪn 'yer ni a le ɪn tɔ, ^{XIX} wɔ den kpɛɔ tɔn ne'maa tɔmɔ ni tɔfersi tun a Nāanmɪn Siε kpɛɔ pɔ. Le le, n yin a Jerusalem chen lɛɛɛ ti guɔr a Ilirikum tɛɛ naa man a Kɪrisito 'yer nɔɔ nyāna jaa ne ne ne.

^{XX} Maa nibijɛ yele le ɪka n mɔɔl 'yer a 'yer nɔɔ jie 'lo jaa ban ba wɔ a Kɪrisito yele ε, naa ta

ure wa me dool nure koo dachin par kparaa ju ε. **XXI** Nitaa le an doo seb a Naaɲmin gaɲ po ɪka, “A bala ban ba doo 'yer a wɔ 'yer kɔ ε, na nye naa, ka a bala mi na ba doo wo naa ε, na boɔn a par.” (*Isaiya 52:15*) **XXII** A yele nyaana le var ma a sor ka n ba tuoro waara a yi se ε.

XXIII Tiche popaanya 'lo, n ba le tara jipaalaa ka a paalsi anyã po na le to go ε, n min doo buoro a yi nyefo a yuon yoo na po juu. **XXIV** N guor naa ɪka n chen Sipēen, maa wa tala un ara na piir yi kaa, naa je a yi se baalaa a yi so ma ka n chen. **XXV** Popaanya 'lo, Jerusalem le n chiine ni a sofo ɪka n ti ku a Naaɲmin puorbo a be. **XXVI** Bojuu a Masedoniya deme ni a Akaya deme man taa ɪka ba chier chierfo soon a Naaɲmin puorbo bamine na be a Jerusalem na ba tara bon jaa ε. **XXVII** Ba nyen a le ka a i san ku ba a ba de a le dool a ba maε. Ala i a bala na ba i a Juu nibe ε, pon naa a Juu nibe a Naaɲmin sofosu, ala le so ka a mi see ɪka ba mi loon a Juu nibe pon a ba botarsi. **XXVIII** Maa wa to a nitoo, naa de a chierfosu anyã ku ba baar, ala le un chen a Sipēen naa ti 'loo piir yi kaa. **XXIX** N boon naa ɪka maa wa waara, un waan naa a Kiristo sofo na berma.

XXX N sooro yi naa n yee, ni a si Soro Yesu Kiristo ni a Naaɲmin siε nofo ɪka, yi po ma a n mofo nya po, sooro Naaɲmin koro ma. **XXXI** Yi soor Naaɲmin, a wɔ faa ma yin a bala na ba so be a Judiya, ka a le mi un chiine a Jerusalem ka a Naaɲmin puorbo mi ti so de, **XXXII** ka ala ɪka Naaɲmin bofo le, ka n wa a yi se ni popel a si

'mataa 'yǒo taa ākpāen. XXXIII Nāanmɪn na ɪ a nyā'maar sɔɔ, wɔ be a yɪ jaa sē. A ɪ a lɛ.

XVI

I N pɔɔ naa a sɪ yɛpɔɔ Fiibi yovɪla kɔɔ yɪ, a pɔɔ nyā ɪn tǔtǔnǔ be a Kenkɪrya tēdēme pupuorbiir pɔ. II N sɔɔɔ yɪ naa ɪka 'lɔ wa tɪ, yɪ de wɔ nɪ a sɪ Soro yuor, na yɪ maal wɔ a lɛ na sɛen a Nāanmɪn puoro, na yɪ mɪ kɔ wɔ sǔɔfɔ jaa won na bɔɔɔ yɪ a yɪ sē. Bojūu wɔ mɪ dǔɔ sǔɔ nɪyɔɔ nɪ a maa māɛ.

III Yɪ puor a Pɪrɪsɪla nɪ Akuila kɔ ma. Ba ɪ naa a n tǔtǔtaaba a Yesu Kɪrɪsɪto tǔmǔ pɔ. IV Ba tǔn kūu tǔmǔ kɔ ma. A ba ɪ maa tɛɛ gba lɛ ɛ, tɪche a pupuorbo bala ba jaa na ba ɪ a Juu nɪbɛ ɛ, āgān mɪ 'maan ba naa.

V Puor a pupuorbiir bala na ma lǔɔ puor a ba yir. Puor a n badaba Epainɪtɔsɪ, 'lɔ lɛ de nie turo a Kɪrɪsɪto be a Asɪya paal pɔ.

VI Yɪ puor a Mɛɛr mɪ na ir nyāa 'yǒo tǔnǔ kɔɔ yɪ, VII na yɪ mɪ puor a Andirunɪkasɪ nɪ a Junɪyasɪ. Ba ɪn a n bɔɔ nɪbɛ ka maa nɪ bala jaa mɪ dǔɔ 'mataa be a pɔɔfɔ die pɔ. A nɪtǔnsɪ bǔɔ ban jaa cheche, bala mɪ lɛ de nie turo a Kɪrɪsɪto tɪche ka a maa wa bɪɛr.

VIII Yɪ puor Ampulatusɪ kɔ ma, n nǔ wɔ naa a Kɪrɪsɪto tufɔ jūu, IX na yɪ mɪ puor Urbanusɪ na pɔɔ sɪ tǔnǔ a Kɪrɪsɪto tǔmǔ pɔ nɪ a n badaba Sɪtachɪsɪ.

X Yɪ puor Apelesɪ nɪɛ jaa na sɔɔ ɪka wɔ turo naa a Kɪrɪsɪto sɔɔr jaa nɛ nɛ nɛ, na yɪ mɪ puor Aristobulus nɪ a wɔ yir dēme ba jaa.

XI Yı puor a Herōdiyōn na ı a n bōr nıre, na yı mı puor a Narsısusı nı a wō yir dēme ba jaa na turo a sı Soro.

XII Yı puor a Tırafaina nı Tırafosa, a pōbō ba nyāna mōōn nıbir nı a sı Soro tōmō, na yı puor a Persis mı na ı a pōō āsōō na mōō nıbir nı a sı Soro tōmō.

XIII Yı puor a Worofōs ban ir a sı Soro pō nı a wō ma, ā wō ma mı ın a n ma.

XIV Yı puor Asınkirtusı, nı Filegon, nı Hemısu nı Patrobas nı Herması nı a yeer bala jaa na be a ba sē.

XV Yı puor a Filologusı nı Juliya nı Nereyus nı a wō yeerōō nı Olinpası nı a Nāanmın puorbo ba jaa na be a ba sē.

XVI Yı puor puor taa nı pōpel. A pupuorbiir ba jaa puor yı naa nı a Kırısıto yuor.

XVII N kpākpāana yı naa yeer ıka yı guro yı māe sō nı a bala na ma waara nı a ootaa, na ba ma vē ka yı bāra loro a wiilfō nyā yın jān pō. Yı tōō 'laa tı bar ba. **XVIII** Bojūu a nıbe ba nyāna a ba ı a sı Soro Kırısıto tōmō le ba tōnō ε, tıche a bala māe volaa bomo le ba tōnō bōōō. Ba ma 'yeere na jaa he le le na ba de nenōō bel a nıbe bala tıer na ba chen niem ε. **XIX** Nıre jaa wōn a le yın turo a Nāanmın 'yer ne ne ne, ka nōō kpe sı a yı yele jūu. Tıche n bōōō naa ıka yı maala vıla nı yē, na yı ta bōō yelbier maalfo ε.

XX A Nāanmın nyā na ı a nyā'maar sōō, a kō le kor ε, tıche ka a wō ηmāe a Satan a yı gbεε pılem. A wāefō na yi a sı Soro Yesu sē a be a yı sē.

XXI Timoti na ɪ a n tōtōto sɔɔ puor yɪ naa, ka a Lusiyusɪ nɪ Jason nɪ Sosipater na ɪ a n bɔr nɪbɛ mɪ puoro yɪ naa.

XXII Maa mɪ na ɪ Tertiyosɪ na seere a Pɔɔl gān nyā mɪ puoro yɪ naa nɪ a sɪ Soro yuor.

XXIII Gayus yir maa nɪ pupuorbiir na kpɪere a wɔ kaara sɪ mɪ puoro yɪ naa. Erastus na ɪ a tēe libikaara nɪkpɛɛ nɪ a sɪ yebe Kuwartusɪ mɪ puoro yɪ naa. ¹

XXV Pōpāanyā, tɪr wɔ ta a Nāanmɪn nyā na sōɔ yɪ a yɪ tōɔ ara tu a n 'yer nōɔ nyā ɪn mɔɔl na ɪ a Yesu Kɪrɪsɪto, naa chaar a yelsɔɔlaa nyāna na sɔɔl a kōr jaa na po. **XXVI** Tɪche pōpāanyā, a yelsɔɔlaa chaar naa tu a le a Nāanmɪn 'ye'yerbe a le a Nāanmɪn vɔr nyā na 'yer ba, ka a paalsɪ ba jaa na sɔɔ de, na ba turo wɔ. **XXVII** A Nāanmɪn nyā tee le ɪ a yē sɔɔ, wɔ nyere tɪr bɪbir nɪ bɪbir jaa tu a Yesu Kɪrɪsɪto 'yōɔ. A ɪ a le.

1 XVI:XXIII 16:23 A pōfo lɪjer nɪ anaar ba dōɔ pɔɔ a gān pɔ ban seb ɪka, 24 A sɪ Soro Yesu Kɪrɪsɪto wāefo a be a yɪ jaa sē. A ɪ a le.

**A Nãanmun Nɛtur Oaalaa Gãn, Burfoor
Birifor, Southern: A Nãanmun Nɛtur Oaalaa Gãn,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

97b1f1fe-19fd-52d9-9481-ad2a6ade2772